



ИСА МАСИХТИНЬ АҚЫНДА ЛУКА ХАБАРЛАЙДЫ

Кирил сөз

1 ¹Энди көйплер арамызда ашық белгили болган ислердинъ таварыхларын тузып баслаганлар. ²Сол ислерди басыннан көрип турғанлардынъ эм Алладынъ соьзин яйган кулларынынъ бизге еткергенлериндей, ³мага да, сол затларды янъыдан мукаят тергегеннен соńь, ызлы-ызыннан тизип, сага, оърметли Теопил, ⁴сен насхатланган окувдынъ терен негизин тагы да бир бегитип, язбага ой туьсти.

*Яхъя пайхамбардынъ
тувааягынынъ билдирилүви*

⁵ Юдеядынъ патшасы Иродтынъ күнлериnde Авия ырувыннан Зекерья атлы дин куллыкшысы эм онынъ Арун тукымыннан Элисабет деген хатыны болғанлар. ⁶Олардынъ экеви де, Алладынъ алдында туврашыл болып, Раббийдинъ буытин парызларын эм йорыкларын минсиз толтыра эдилер. ⁷Олар айвлетсиз эдилер, неге десе Элисабет бедев болган, а энди экеви де уйкен ясларына еткен эдилер.

⁸ Бир кере оъзининъ ырувынынъ, дин куллыкшысындай, оъз борышын Алладынъ алдында толтыратаган күнлериnde, ⁹ дин куллыкшыларынынъ арасында болатаган аьдетке көре, сыбага тасланган заманда, Зекерьяга Раббийдинъ уйине ийис шыгарув мырат пан кирмеге тийисли болды. ¹⁰ Бутин йыйылган халк, ийис этилетаган заманда, тыста дува этетаган эди.

¹¹ Сол вакытта Зекерьяга ийис этетаган ерининъ онъ ягында Раббийдинъ бир мальеги көрингенди. ¹² Зекерья мальекти көргенде саъспекледи, оны коркув бийледи. ¹³ Мальек ога: «Коркпа, Зекерья, неге десе сенинъ дуванъ кабыл болган, хатынынъ Элисабет сага ул табаяк эм сен ога Яхъя атты берексинъ. ¹⁴ Ол сага куваныш эм ярык аькелеек, эм көйплер онынъ тувганына суюйинееклер. ¹⁵ Неге десенъ ол Раббийдинъ алдында уллы болаяк; бир заманда да шагырды эм баска эсиртувшы затларды ишпеек, ана карнында ок Сыйлы Рухка* толаяк. ¹⁶ Ол Исраил халкынынъ көйпелрин Раббийге, оъзлерининъ Алласына, кайтараяк. ¹⁷ Ол Раббийдинъ алдында Ильястынъ рухы эм куваты ман юрип, аталарынынъ юреклерин балаларына бурып, бойсынмаганларда туврашыллардынъ ойларын яратып баражак, Раббийдинъ алдына аьзирленген халкты салаяк», – деди.

¹⁸ Сонда Зекерья мальекке: «Мен оны неден билермен? Мен картайғанман эм хатынымнынъ да йыллары еткен», – деди.

¹⁹ Мальек ога деп яваплады: «Мен Алладынъ алдында турувши Жабраилмен эм сени мен сойлеспеге, сол куванышлы хабарды сага еткермеге йиберилгенмен. ²⁰ Меним, заманы еткенде, эш толмай калмаяк деген соъзлериме ыйнанмаганынъ ушин, сен энди сакав болаяксынъ, сол зат толтырылајак күнге дейим сойлемей тураjakсынъ», – деди.

²¹ Сол арада халк Зекеряды саклайтаган эди эм онынъ, Алладынъ уйиннен шыкпай, калып кеткенине сейирсинетаган эди.

²² Зекерья шыкканнан соң, олар ман сойлесеалмады. Халк Алладынъ уйинде ога көринис көрингенин сезди; ол да оны, тили тыйылганынан ымлап, анълатты.

²³ Аллага кылышув күнлери озганнын соң, Зекерья уйине кайтты. ²⁴ Онынъ пишеси Элисабет авыраяклы болды эм оны

* Сыйлы Рух: Алладынъ көз бен көрилмеген, айр ерде болган күши.

бес айга дейим халктан ясырды. ²⁵ «Сосындай йылларымда Раббийим мени языксынды, инсанлар арасында меним кемшилигимди тайдырды», – дейтаган эди ол.

Иса Масихтинъ дуныяга энеегининъ билдирилуви

²⁶⁻²⁷ Элисабеттинъ карнындагынынъ алтыншы айында Алла Жабраил мълекти Галилеядынъ Назарет каласына Даут тукымыннан Юсуп атлы эр мен соъз тавысып турган кызга йиберди. Ол кыздынъ аты Маръем эди.

²⁸ Мълек ога келгенлей: «Куван, шапагатлы! Раббий сени мен болар*», – деди.

²⁹ Маръемди бу соъзлер саъспеклетти эм ол, бу неди билдирген саламласув экенин анъламай, ойланды. ³⁰ Ога мълек: «Коркпа, Маръем, неге десе сен Алладан шапагатлы болгансынъ. ³¹ Энди карнынъда болып, ул табаяксынъ эм Оны Иса деп атаяксынъ. ³² Ол данъклы болаяк, Алла Тааладынъ Улы деп саналаяк. Ога Раббий Алла Онынъ атасы Дауттен калган такты береек; ³³ оъмир оъмирге Якуп тукымынынъ уьстинде патшалык эттиреек эм Онынъ патшалыгынынъ соънъы куьни болмаяк», – деди.

³⁴ Маръем мълектен: «Бу кайтип болар, эгер мен энди де эр сынамаганман?» – деп сорады.

³⁵ Ога мълек: «Сыйлы Рух сага тульсеек, Алла Тааладынъ куьши сени каплап алайк, сонынъ уьшин туваяк сыйлы Бала Алладынъ Улы деп аталаяк. ³⁶ Эне бедев деп саналып турган сага ювык еткен Элисабет те картлыгында ул ман авыраяклы эм ога энди алты ай болаятыр. ³⁷ Алладынъ бир соъзи де куьшиз калмайды», – деп яваплады.

³⁸ Сонда Маръем: «Мен Раббийдинъ кулыман. Менде сенинъ айтканынъдай болсын», – деди. Мълек оннан тайды.

Маръем Элисабетти коърмеге барады

³⁹ Сол куынларде Маръем асыгыслы болып Юдеядынъ тавлы кесегиндеги бир шахарга барды. ⁴⁰ Зекеръядынъ уйине киргендай, Элисабет пен саламласты. ⁴¹ Элисабет Маръемнинъ сала-

* Бир кесек текстлерде: «...болар. Хатынлардынъ арасында сен бактылышынъ».

мын эситкен заманда, онынъ карнындагы айвлет ойнаклады. Элисабет Сыйлы Рухка толды. ⁴² Ол, давысын көтерип: «Хатынлардынъ арасында сен бактылысынъ эм сенинъ карнынъдагы бала да бактылы! ⁴³ Меним Раббийимниң анасынынъ мага сосы келүүви не себептен болды экен? ⁴⁴ Неге болса да, сенинъ саламласув тавысынъ мага еткенде, меним карнымдагы саъбийим куванышлы ойнаклады. ⁴⁵ Ыйнанганынъ ушин бактылысынъ, неге десе Раббийдинъ сага билдиргени толтырылаяк», – деди.

⁴⁶ Маръем: «Меним яным Раббийди оърметлейди. ⁴⁷⁻⁴⁸ Ол Оъз кулынынъ бойсынувын көргени ушин көнъилим Аллага, Куткарувьши ма, куванады. Эндицен арбатын мени баъри тукымлар бактылыга санаяклар. ⁴⁹ Неге десе куьдиретли Алла мага уллы ислер этти. Онынъ аты сыйлы! ⁵⁰ Онынъ рагимлиги ырувдан ырувга Ога оърмет эткенлерге яйылаяк. ⁵¹ Оъз куватынынъ каруви көрсөтти, юреклеринде оъктемли ойлары болганларды шашты. ⁵² Күшлилерди тактан түсирди, бойсынганларды йогарга көтерди. ⁵³ Ашыкканларды оъз берекети мен тойдырды, ама байларды бир затсыз кайтарып йиберди. ⁵⁴⁻⁵⁵ Ол Оъзининъ кулы Исраилге ярдам этти эм, аталарымызга айтканындай, Ибрагим-ге, онынъ тувдыкларына оъмир оъмирge этеек рагимлигин эсинде тутты», – деди. ⁵⁶ Маръем Элисабет пен бир уш ай кадер турғаннан соң уйине кайтты.

Яхъя пайхамбардынъ түвүүү

⁵⁷ Бала туваяк вакыты еткенде, Элисабет ул тапты.

⁵⁸ Раббийдынъ ога уллы ийгилик бергенин эситип, онынъ кардашлары эм конъысылары оны ман бирге куванатаган эдилер. ⁵⁹⁻⁶⁰ Сегизинши күнинде балады сүннэтлеек айдет пен йыйылдылар эм ога атасынынъ атын, Зекеръяды, атамага токтастылар, ама баладынъ анасы унамады эм оны Яхъя деп атаягын билдирди.

⁶¹ Ога: «Сенинъ тукымынъда ондай атлы бирев де йокты да», – дедилер.

⁶² Атасыннан, ымлап, онынъ кайтип атаяк болатаганын сорадылар.

⁶³ Зекеръя такта тилеп алды да язды: «Онынъ аты – Яхъя». Байриси де сейирсиндилер. ⁶⁴ Сол саяатлей Зекеръядынъ авызы

да, тили де ашылды эм ол, Аллага шуькир айта берип, сойлеп баслады.

⁶⁵ Олардынъ тоыгерегинде яшаганларды коркув бийледи. Сол болган затлардынъ хабары Юдеядынъ баъри тавлы кесегинде яйылды.

⁶⁶ Эситкенлердинъ баъриси де оны юреклерине салдылар: «Сосы аывлет ким болаяк экен?» – деп, сейирсинип, сорастылар. Раббийдынъ куваты Яхъя ман бирге эди.

Зекеръядынъ пайхамбарлык соьзи

⁶⁷ Сыйлы Рухка толган Зекеръя пайхамбарлык соьзин айтып баслады: ⁶⁸ «Исраилдинъ Алласы-Раббийге шуькир болсын! Оъз халкына ярдамга келди эм оны куткарды. ⁶⁹ Оъзининъ кулы Дауттынъ ырувыннан бизге куьшли Куткарувшиды шыгарды. ⁷⁰⁻⁷¹ Сыйлы пайхамбарларынынъ авызы ман оъмирден бери билдиргениндей, бизди явларымыздан эм баъри коърип болмайтаганлардынъ колыннан куткарды, ⁷² сыйлы антласувын эскерди, бизим аталарымызга рагимлик этти, ⁷³⁻⁷⁴ Од атамыз Ибрагим-ге берген антынша, душпанларымыздынъ колыннан куткарды, ⁷⁵ Онынъ алдында Ога оъмиrimиздинъ баъри куынлеринде сыйлылыкта эм тузлике коркувсыз кылынгандай этти. ⁷⁶ Сен, аывлет, Алла Тааладынъ пайхамбары деп аталаяксынъ, неге десе Онынъ алдында барып, Ога йол аъзирлеексинъ. ⁷⁷⁻⁷⁸ Алламыздынъ халкына Онынъ рагимлиги мен олардынъ куналары кеширилгеннен соң куткарылув болаягын анълатаяксынъ. ⁷⁹ Онынъ рагимлиги мен йогардан тувган Күн* каранъада эм оълим куьлеткисинде олтырганларды ярыкка шыгарайк, бизим аякларымызды татымлык йолына бураяк». ⁸⁰ Бала, болса, оъсе барды, коыньили мен беркиди эм оъзининъ Исраил халкы алдына келеек куьнине дейим шоълде яшады.

Иса Масихтинъ тувуви

2 ¹ Сол куынлерде кесарь Августтинъ буьтин урым ерлериндеги аьдемлер санын язып алув буйырыгы шыкты. ² Сосы язылып алынув Киринийдинъ Сирияда тоьрелик суврув кезувинде биринши эди.

* Йогардан тувган Күн: Иса Масих.

³ Сонынъ уьшин баяриси де, айр ким оъз тувган каласына, язылмага барды. ⁴ Сондай болыш Юсуп та, Даут уйиннен эм ырувыннан болган себепли, Галилеядынъ Назарет каласыннан, Юдеяга, Дауттынъ Бетлехем деп аталаатаган каласына атланды. ⁵ Онда оъзининъ соъз тавысып турган хатыны Маръем мен бирге язылмага керек эди. Маръем авыраяклы эди. ⁶ Олар онда барганды, Маръемге бала табув заманы етти. ⁷ Эм Маръем оъзининъ Улын, тувнышын, тапты, Оны бойледи эм отлыкка салды, неге десе коナгуйде оларга орын табылмаган эди.

Суърьевшилер мен мълеклер

⁸ Сол элде далада суърьевшилер оъзлерининъ суърьевлери мен күзет шыгатаган эдилер. ⁹ Бирден олардынъ алдына Раббийдинъ бир мълеки түстү, Раббийдинъ нуры оларды ярыкландырды. Суърьевшилер бек корктылар. ¹⁰ Ама мълек оларга: «Коркпанаңыз, мен сизге де, баяри айдемлерге де бек куванышлы ийги хабарды билдирмеге келгенмен. ¹¹ Буыгуң сизге Даут каласында Куткарувши тувды: Ол Раббий Масихти. ¹² Мине сизге онынъ белгиси: сиз бойленген эм отлыкта яткан балады табаяксыз», – деди.

¹³⁻¹⁴ Соң аньламастан мълекке аспаннынъ сансыз мълеклер айсери келип қосылдылар. Олар Аллага шуыкир айтып: «Йогардагы Аллага данък, ер уьстинде Онынъ разы болган айдемлерине рахатлык болсын!» – дедилер.

¹⁵ Мълеклер олардан көйкке тайганда, суърьевшилер бир бирлерине: «Бетлехемге бааяк, онда не зат болганын кааяк, Раббий бизге не затты билдирди экен», – деп айттылар. ¹⁶ Олар асыгыслы бардылар да Маръем мен Юсупты эм отлыкта яткан балады таптылар.

¹⁷ Коъргенлеринде, сосы Айвлет ақында оларга не зат белгили болганын айттылар. ¹⁸ Эситкенлердинъ баяриси де суърьевшилердинъ айтатаган затларына сейирсине эдилер. ¹⁹ Маръем, болса, сосы соъзлердинъ баярисин де коънъилине ювык альш, юргине салды. ²⁰ Соң суърьевшилер эситкенлери, коъргенлери эм оларга калай билдирилгени болса, солай ок болганы уьшин Аллады данъклай эм Ога шуыкир айта, артларына кайттылар.

Исады Алладынъ уйине аькелдилер

²¹ Сегиз күн озганнын сонъ, Саъбийге суннэт аьдетин этпеге керек заманы еткенде, Ога карында болаяктан алдын мальек пен билдирилген Иса атты бердилер.

²² Мусадынъ Тауратына көре тазаланув күнлери ойткенде, балады Ерусалимге, Раббийдинъ алдына салмага деп, аькелдилер.

²³ Неге десе, Раббийдинъ Тауратында белгиленувгэ көре, аyr бир тувныш эр саъбийдинъ кайсысы да Раббийге багысламага керек эди. ²⁴ Эм Раббийдинъ Тауратынынъ билдирувине көре курманлыкка эки куьмири*, яде эки көгершин балапанды аькелмеге тийисли эдилер.

²⁵ Сол вакытта Ерусалимде Шимон атлы аьдем болган. Ол туврашыл, диншил эм Исраилге тынышлыкты уьмитлеген эр эди, эм Алладынъ Сыйлы Рухы онда эди. ²⁶ Алладынъ Рухы ман Ога, Масихти көрмей, оълмееги билдирилген эди. ²⁷ Сол күн ол Сыйлы Рух пан көнъилленип, Алладынъ уйине барган эди. Ата-анасы Иса Аьвлетине, Тауратта буйырылган аьдetti эттиреек болыш, аькелген заманда,

²⁸ Шимон оны койнына алды, Аллага разылыгын билдириди де айтты: ²⁹ «Дуныядынъ Бийи, Сенинъ соьзинъ толды; мен, сенинъ кулынъ, энди рахатлык пан оълермен. ³⁰⁻³² Неге десе энди Сенинъ бутин халклар алдына аьзирлеген куткарувынъды, баска миллетлерге билим ярыгын ашаякты эм Оъз Исраил халкынънъ данъын шыгаражакты көзим мен көрдим!» – деди.

³³ Исадынъ ата-анасы баласына айтылатаган соьзлерге сейир-синдилер. ³⁴ Сонъ Шимон оларга ийгилик тиледи эм баладынъ анасы Маръемге: «Сосы Аьвлет Исраилде көплердинъ йогарга оъренуввине де, көплердинъ тольмен тусуувине де себеп болаяк. Ол көп соьз айттыраяк белги болаяк. ³⁵ Сенинъ оъзинънъ янынънан да кылыш оътеек. Сойтип көплердинъ акылындагы ойлары ашыкланаjaklar», – деди.

³⁶ Былайда тагы да Ашер тувдыгыннан Пануелдинъ кызы Ханна пайхамбар да бар эди. Кызлай косылган эри мен тек ети йыл яшаган, а соъле кавдыраган картлыгында эди. ³⁷ Сексен дөйр ясындагы тул хатын оразасы-дуvasы ман кеше-куйндиz Аллага

* Куьмири: ана көгершин.

кылнынып, Онынъ уйиннен таймайтаган эди. ³⁸ Сол вакытта ол да аьдемлерге ювыклап, Аллага шуькир айтып, Ерусалимнинъ куткарылувын саклайтаганлардынъ барьисине Саьбийдинъ акында хабарлайтаган эди.

Назаретке кайтув

³⁹ Юсуп пан Марьем Раббийдынъ буйырыгына көре барьи затларын эттиргеннен сонъ, Галилеяга, тувган қаласы Назаретке кайттылар.

⁴⁰ Аьвлет оьсе барды, акылланды, яны беркиди; Алладынъ шапагаты Онда эди.

Яс Иса Алла уйинде

⁴¹ Аьр йыл сайын Онынъ ата-анасы Ерусалимге пасха байрамына баратаган эдилер. ⁴² Ол бир он эки ясына еткенде, аьдеттегинше, олар тагы да Ерусалимге байрамга келдилер. ⁴³ Байрам күнлери кутылып, артларына кайтаятырганда Иса Несилдинъ Ерусалимде калганын Онынъ ата-анасы эскермей каладылар. ⁴⁴ Ол баскалар ман бирге келеди деп, ойладылар; сойтип бир күнлик йолды ойткеннен сонъ, Оны кардаш-ювыкларынынъ арасыннан излеп басладылар. ⁴⁵ Сонъ, таппаганларында, Оны излей, Ерусалимге кайттылар. ⁴⁶ Уш күннен сонъ Исады Алла уйининъ каралдысында устазлар арасында олтырып, оларды тынълай эм оларга сорав сала турганда, табадылар. ⁴⁷ Оны тынълавшылардынъ барьиси де Онынъ акыллылыгына, берген явапларына сейирсинетаган эдилер. ⁴⁸ Ата-анасы Оны көргенде аьжайисиндилер эм Ога анасы: «Балам! Сен бизге былай неге эттинъ? Мине Сенинъ атанъ ман мен Сени излестирип, кайгырып юримиз», – деди.

⁴⁹ Иса: «Мени излемеге сизге неден керек эди? Яде сиз Меним Атамнынъ уйинде болмага керегимди билмедиңизбе?» – деп сорады. ⁵⁰ Ама олар оъзлерине айтылган соъзлерди анъламадылар.

⁵¹ Иса олар ман бирге Назаретке кайтып келди эм оларга тынълавлы болды. Онынъ анасы болган затлардынъ барьисин де юрегине салды. ⁵² Иса оьсти эм акыллана барды. Оны Алла да, аьдемлер де суюетаган эдилер.

Яхъя пайхамбардынъ увазы

3 ¹⁻² Кесарь Тиверийдинъ басшылык этүвининъ он бесинши йылышында, Юдеяда Понтий Пилат тоьрелик сүргенде, Ирод – Галилеяда, кардашы Пилип – Итурея ман Трахонит областинде, а Лисаний – Авилиний еринде тетрарх* болганларында, бас дин куллыкшылары Ханан ман Каяпадынъ заманларында, Алла шоьлге Зекерьядынъ улы Яхъяга соьзин тусирди. ³ Оннан сонь Яхъя Йордан сувы тоьгерегиндеги байри эллерди айланыш, аьдемлере куналарыннан кеширилер ушин тевбеге туспеге, сувда шомылдырылмага** керегин анълатыш юрди.

⁴ Ешая пайхамбардынъ китабинде язылган соьзлерине көре: «Шоьлде шакырганнынъ давысы: „Раббийге йол аьзирленъиз, Ога сокпакларды туз салыныз; ⁵ Айр түрли оъзеннинъ кайсысы да толсын, айр тавдынъ да, бийиклевлердинъ де кайсы түрлиси де тоьменленсин, кыйшыклык туъзелсин, кынъыр-шонъыр йоллар тегисленсин; ⁶ неге десе айр аьдем де Алладынъ куткарувын көрреек“, – дейди».

⁷ Яхъя оъзине сувда шомылдырылмага келген халкка: «Йылан тувдыклары! Сизди келеек шамланувдан кашпага ким уйреткенди?

⁸ Тевбеге тускенинъиздинъ тийисли ислерин көрсетеинъиз. Юрегинъизди: „Бизим атамыз Ибрагим“, – деп, юбантып олтырманыз, неге десе Алла сосы таслардан Ибрагимге балалар курастырмага болаяк. ⁹ Энди балта да тереклер түбинде ятады: хайырлы емисти аькелмейтаган тереклердинъ кайсысы да кеси-лип отка тасланаяк», – деди.

¹⁰ Халк оннан: «Аьше, бизге не этпеге керек?» – деп сорастырды.

¹¹ Ол оларга явапка деп хабарлады: «Кимде эки кийим болса, сол онынъ бирин болмаганга берсин; кимде ырызкы бар болса, солай ок этсин».

¹² Ясакшылар да сувда шомылдырылмага келдилер эм оннан: «Устаз, бизге не зат этпеге керекти?» – деп сорадылар.

¹³ Оларга да: «Сизге буйырылганнын баска бир затты та тилеменъиз», – деп яваплады.

* Тетрарх: кишкей ердинъ патшасы.

** Сувда шомылдырылув: Инжилде аьдемнинъ сувда шомылдырылганны янъы яшавга киргенин билдиреди.

¹⁴ Оннан айкершилер де: «А биз неди этпеге керекпиз?» – деп сорадылар.

«Биревди де ынжынтыпандыз, яладан яла якпандыз эм оyz кыйынагындызга канагатланындыз», – деди Яхъя.

¹⁵ Халк уымитленип сактайтаган эди. Баърисин де: «Яхъя Масих туывилма экен?» – деген ой кызыксындыратаган эди.

¹⁶ Ога Яхъя баърисине еткерип: «Мен сизди сувда шомылдырыш тазаландыраман, ама меннен Куватлырак келеятыр, мендейлер онынъ аяк кийимининъ бавын шешпеге де тийисли туывиллар. Ол сизди Сыйлы Рух пан, от пан тазаландыраяк. ¹⁷ Куъргин колына алган. Ол Оъз ындырын тазалаяк, бийдайын амбарына йыяяк та, тобанын соынмес отка таслап куьйдиреек», – деди.

¹⁸ Яхъя баска түрли көп насиҳатлар берип, халкка Ийги Хабарды билдириди. ¹⁹⁻²⁰ Тетрарх Иродты, оyz кардашынынъ пишеси Иродиаска уйленгени эм тагы да баска этетаган яманлыклары ушин Яхъя бетлегенде, Ирод буютин яманлыкларынынъ уьстине тагы да бирин косты: ол Яхъяды тутнакка олтыртты.

Исадынъ сувга шомылдырылууы

²¹ Буютин халк сувга шомылдырылганнын сонъ, Иса да сувга шомылдырылды. Дува этеятырган вакытында, көк как ярылыш ашылды.

²² Сыйлы Рух Ога көгершин кебинде түсти эм аспаннан: «Сен Меним суйикли Улымсынъ, Мен Сага разыман», – деген давыс эситилди.

Исадынъ асылы-тукымы

²³ Иса Оъз айрекетин баслаганда, отыз ясларына келген эди. Айдемлер ойлаганларындай, Ол Юсуптынъ улы эди. Юсуп, болса, Элийдинъ улы, ²⁴ Мататтынъ улы, Левийдинъ улы, Мелхийдинъ улы, Яннайдынъ улы, Юсуптынъ улы, ²⁵ Матитиядынъ улы, Амостынъ улы, Нахумнынъ улы, Эслийдинъ улы, Нагайдынъ улы, ²⁶ Махаттынъ улы, Матитиядынъ улы, Шимийдинъ улы, Юсуптынъ улы, Юдадынъ улы,

²⁷ Йохананнынъ улы, Решадынъ улы, Зерубавелдинъ улы, Шалтиелдинъ улы, Нерийдинъ улы, ²⁸ Мелхийдинъ улы, Аддийдинъ улы, Косамнынъ улы, Элмадамнынъ улы, Эрдинъ улы,

²⁹ Ешудынъ улы, Элиезердинъ улы, Йоримнинъ улы, Мататынъ улы, Левийдинъ улы, ³⁰ Шимоннынъ улы, Юдадынъ улы, Юсуптынъ улы, Йонамнынъ улы, Элиякимнинъ улы,

³¹ Маладынъ улы, Меннадынъ улы, Мататадынъ улы, Натанынъ улы, Дауттынъ улы, ³² Ишайдынъ улы, Оведдинъ улы, Бозадынъ улы, Салмоннынъ улы, Нахшоннынъ улы, ³³ Аминадавдынъ улы, Арамнынъ улы, Эсроннынъ улы, Перестинъ улы, Юдадынъ улы, ³⁴ Якуптынъ улы, Исхактынъ улы, Ибрагимнинъ улы, Терахтынъ улы, Нахордынъ улы,

³⁵ Серуктинъ улы, Регудинъ улы, Пелектинъ улы, Эвердинъ улы, Шалахтынъ улы, ³⁶ Кенаннынъ улы, Арпакшадтынъ улы, Самнынъ улы, Нуҳтынъ улы, Ламехтинъ улы, ³⁷ Метушелахтынъ улы, Ханохтынъ улы, Яредтинъ улы, Махалаледдинъ улы, Кенаннинъ улы, ³⁸ Эноштынъ улы, Шеттинъ улы, Альдемнинъ улы, а Альдем, болса, Алладынъ улы эди.

Исадынъ сыналувы

4 ¹ Сыйлы Рухка толган Иса, Йордан сувыннан кайтып келгеннен соңъ, Рухтынъ коңыиллендируүви мен шөйлликке йиберилди. ² Иблис шөйлде Оны кырк куын сынады. Сол заманынъ ишинде авызында бир зат та болмаган себепли, Иса ахырында ашыкты. ³ Сонда иблис Ога: «Эгер Сен Алладынъ Улы болсанъ, сосы тасларга оytпек болмага буйыр», – деди.

⁴ Иса ога: «„Альдем тек бир оytпек пен яшамаяк“* деп язылган», – деди.

⁵⁻⁶ Иблис Оны бийик ерге шыгарды, көз ашып юмганша, Ога дер-дуныядынъ бүттин эллерин коңсетти эм: «Мен Сага солардынъ баýрисининъ устинде иеликти де, олардынъ данъын да берейим, неге десе олар мага тапшырылган эм суйгениме бермеге болаякпан.

⁷ Сога көре, эгер Сен мага бас ийсень, баýриси де Сеники бolar», – деди.

⁸ Сонда Иса Ога: «Китапте**: „Раббий Алланъ бас ий эм тек Ога кылын“ деп язылган», – деп яваплады.

* „Альдем ... яшамаяк“: бир кесек текстлерде «Альдем тек бир оytпек пен туыл, ама Алладынъ баýри соьзлери мен яшаяк».

** Китапте: бир кесек текстлерде «Меннен тай, иблис!»

⁹ Оннан соңъ иблис Оны Ерусалимге ақкелди, Алла уйининъ бийиклевине салды, Ога: «Эгер Сен Алладынъ Улы болсанъ, муннан түбине атыл. ¹⁰ „Алла Оъз мълеклерине Сени айдувлеп сакламага тапшырган“ ¹¹ эм „Олар, Сенинъ аягынъ таска тиймес ушин, Сени колларында айкетееклер“ деп язылғанды да», – деди.

¹² Ога Иса явапка: «„Раббий Алланъды сынама“ деп те язылған», – деди.

¹³ Оннан соңъ иблис Исады сынаганын койды, кезуви келгенге дейим Онынъ касыннан тайды.

Назарет каладагы синагогта

¹⁴ Сыйлы Рухтынъ күшин алган Иса Галилеяга кайтты. Онынъ акындагы соызлер бұтын тоғерегиндеги ерлерге яйылдылар. ¹⁵ Ол айдемлерди синагогларда уйретти эм баъриси де Оны данъклайтаган эдилер. ¹⁶ Иса Назаретке, оъзи оъскен-тербияланған ерине барды. Онда Оъзи, айдетинше этетаганындай, шабат күн^{*} синагогка келди. Синагогта Иса оқымага турды. ¹⁷ Ога Ешая пайхамбардынъ китабин бердилер эм Ол, оны алыш ашып, былай язылған ерин табыш:

¹⁸⁻¹⁹ «Раббийдинъ Рухы менде. Ол, Мага май яғып, Мени ярлы-пакырларга ийги хабарды айтпага, есиредегилерге^{**} куткарыла-якларын, сокырларга көзлерининъ ашылаякларын анълатпага, эзиетленгенлерди эркинликке шыгармага, Раббийдинъ (айдемлерге) разылығын береек заманын билдирмеге йиберген», – деп оқыды.

²⁰ Иса китапти япты да они синагогтынъ куллықшысына кайтарды. Синагогтагылардынъ көзлери Исаға тигилген эдилер.

²¹ Сонда Ол тынълавшыларына айтып баслады: «Бұгуын сизинъ эситкенинъиз бен бу язув толтырылды».

²² Баъриси де Ога разы болдылар. Онынъ авызыннан шыгата-ган хайырлы соызлерине айжайисиндилер эм: «Сосы Юсуптынъ улы туыл ма экен?» – деп соййлестилер.

* Шабат күн: жуйтлердинъ тыншаюв күни, юма күннинъ аксамыннан юма Эртеси күннинъ аксамына дейим болады.

** Есиредегилерге: бир кесек текстлерде «юреклери сынганларды сав этпеге».

²³ Иса оларга: «Элбетте, сиз Мага такпактынъ соызлери мен айтпага болаяксыз: „Эмлевши, оyzинъди оyzинъ сав эт! Булайда, тувган еринъде, сол биз эситкен Капарнаумда эткен затларынъды кайтарып эт,“ – дегенди айтпага болаяксыз. ²⁴ Дұрысын айтаман сизге, эш бир пайхамбарды да оyzининъ тувган еринде хош коырип йолықпайдылар. ²⁵ Түзин айтаман сизге, Исаилде Ильяс пайхамбардынъ заманларында уш йыл алты айға дейім көк ябылып, бұттан ерде авыр ашлық болғанда, онда тул хатынлар көп болдылар.

²⁶ Кенем де, Ильяс тек Сидон ериндеги Сарапат каласына бир тул хатынга болмаса, олардынъ баска биревлерине де йиберилмеген эди.

²⁷ Исаилде Элиша пайхамбардынъ заманында авыр тери маразы болғанлар көп эдилер, аман да олардынъ ишиннен тек бир сирияшы Наман болмаса, эш бирев де тазаланмаган», – деди.

²⁸⁻²⁹ Оны эситкенде, синагогтагылардынъ баъриси де ашувга толдылар. Турып, Исады каладан кувыш шыгардылар да кала орынласкан тавдынъ басындағы ярдан атаяқ болдылар. ³⁰ Ама Иса олардынъ ортасыннан оytти, Оъз йолы ман кетти.

Капарнаум каласында синагогта

³¹ Иса Галилеядынъ Капарнаум каласына барды эм шабат күн халкты уйретуvin баслады. ³² Олар Онынъ окувына айжейип-синетаган эдилер, неге десе Онынъ соызининъ күнши бар эди.

³³ Синагогта кара күнш бийлеген йинли киси бар эди. Ол бирден давысын көтерип кышкырды: ³⁴ «Назаретши Иса, калдыр бизди! Сенинъ бизде не ишинъ барды? Сен бизди айлек этпегеме келгенсинъ? Сенинъ ким экенинъди билемен. Сен Алладынъ Сыйлысысынъ!»

³⁵ «Тын!» – деп каты буйырды Иса, – «Шык оннан!» Эм йин кисиди баърисининъ алдында ерге йыкты, эш бир хайте де этпей, оннан шыкты.

³⁶ Баъриси сейирсинетаган эдилер эм олар оъз ара бир бирлериңе: «Бу не зат окув экен? Ол кара күшлерге иелик пен, күнш пен буйырады эм олар кашып кетедилер!» – деп айта эдилер.

³⁷ Исадынъ хабары төгерегиндеги баъри якларга яйлатаған эди.

Иса көп аьдемлерди сав этеди

³⁸ Иса, синагогтан шыкканнан соń, Шимонныń уйине барды. Шимонныń кайнанасы сол вакытта безгек пен күйип-янып авырытаган эди. Исадан ога ярдам этпеге тиледилер. ³⁹ Иса авырганыń уьстине ийилди де безгегин тыйдырды. Безгектен кутылган хатын, сол саъатлей турды, оларды ас пан сыйлады.

⁴⁰ Күн кавысып барайтырган вакытта, аьдемлер, кимниń кайдай туырли маразлысы бар болса, соны Исага аькелип басладылар. Ол олардыń аьр кайсысына да колын тийдирди, барьин де сав этетаган эди. ⁴¹ Сондайлардыń көплериинен, кышкырыклап: «Сен – Алладыń Улысынъ!» – деп, йинлер де шыгатаган эдилер. Ама Иса оларга айтпага ызын бермеди, неге десе олар Онынъ Масих экенин биле эдилер.

⁴² Күн тувганда, Иса шыкты да авлак ерге барды. Аьдемлер Оны излестирдилер. Тапканда, Оны оъзлериннен йибермеек болдылар. ⁴³ Ама Ол халкка: «Мен баска калаларда да Алла Патшалыгыннан ийги хабарды яйып юрмеге тийислимен, неге десе Мен сонынъ уьшин йиберилгенмен», – деди. ⁴⁴ Эм Юдеядынъ* синагогларында уваз айтып юретаган болды.

*Иса биринии сокталарын
сайлан алады*

5 ¹ Күнлердинъ биринде халк Исады курсап алыш, Алладынъ соьзин тынъламага йыйылган заманда, Ол Кинесар көйлдинъ касында туры эди.

² Ол көйл шетинде турган эки кайыкты көрди. Балыкшылар кайыклардан түсип, йылымларын ювып туры эдилер. ³ Сол кайыклардынъ бирисине, Шимондыкына, кирди, Шимонга ягадан бираз таймага тиледи; соń олтырып, халкты уйретип баслады. ⁴ Айтып кутылганнын соń, Иса Шимонга: «Терен ерине юзип бар да балык ысламага йылымларды тасла», – деп тиледи.

⁵ Шимон Ога: «Устаз! Биз түн бойы ислеп шыктык, тек бир зат та ыслаялмадык, кенем де, Сенинъ соьзинъди этип, йылымларды таслайым», – деди.

* Юдеядынъ: бир кесек текстлерде «Галилеядынъ».

⁶ Сойтип эткеннен соң, олар сансыз балык ысладылар, айле йылымлары да йыртылып басладылар. ⁷ Баска кайыктагы йолдасларына, келип ярдам этсингер деп, ымладылар. Олар да келип, кайыкты балыкка толтырдылар. Соң олар авырлыктан батып та басладылар.

⁸ Оны коъргенде Шимон Петер, Исадынъ аягына йыгылып:

«Раббий, менин кет, неге десе мен күнали кисимен», – деди.

⁹ Ол эм онынъ янында болганлардынъ баъриси сол шаклы балык түскенине сейирсиндилер. ¹⁰ Шимоннынъ йолдасларын, Зеведей улларын Якуп пан Яхъяды да солай ок сейирсинув бийледи.

Сонда Иса Шимонга: «Коркпа, буғуунен алыш сен айдердинъ янын авляяксынъ», – деди. ¹¹ Балыкшылар эки кайыкты ятага тартып шыгардылар, баъри затларын калдырдылар да Исадынъ артыннан иердилер.

Иса авыр тери маразлыды сав этеди

¹² Иса калалардынъ биринде болганда, авыр тери маразы болган айдем келди де ялбарып, Онынъ аягына йыгылды эм тиледи: «Раббий, эгер сүйсөнъ, мени тазаламага болаяксынъ».

¹³ Иса колын созды, ога тийгистти де айтты: «Суьемен, тазалан». Сол саяатлей оннан маразы тайды.

¹⁴ Иса ога: «Биревге де билдирмей, тек дин куллыкшысына бар, тазаланганынъ ушин, Муса пайхамбар буйыргандай, шатликке курманлык шал», – деп буйырды. ¹⁵ Кенем де Онынъ хабары көптөн көп халк арада яйлатаған эди. Айдемлер күйилып, Оны тынълар эм оъз маразларыннан эмленер ушин келетаган болдылар. ¹⁶ Иса болса, авлак ерлерге кетип, Аллага дува этетатаган эди.

Аягы-колы курысканды сав этуюв

¹⁷ Бир күн Иса уйрететаган вакытында, Галилея ман Юдеядынъ эм Ерусалимнинъ айр ерлериннен келген фарисейлер мен Таурат устазлары да олтырып турганлай, авырганларды Раббийдинъ Ога берген күши мен сав этетаган эди. ¹⁸ Мине сонда ким эсе де биревлер аягы-колы курыскан маразлыды төсеги мен көтерип келип, уйге киргистпеге, Исадынъ алдына салмага шалыстылар. ¹⁹ Ама айдемнинъ көплигиннен кирмеге йол таппай, уйдинъ төбесине минип, оны аштылар, оннан авырганды төсес-

ги мен ортага, Исадынъ алдына тұсырдилер. ²⁰ Иса олардынъ (Ога) ыйнанувларын көрип, сол айдемге: «Кешириледи сенинъ күналарынъ», -- деди.

²¹ Дин альмлери мен фарисейлер: «Аллага ассы болған бу ким экен? Бир Алладан басқа күналарды ким кеширмеге болады?» – деп, оыз ара ойластылар.

²² Иса, олардынъ ойлаганларын сезип, оларга явапка айтты: «Сиз юргинъизде не затты юргистесиз? ²³ Не затты айтпага еңил: „Сенинъ күналарынъ кешириледи“, яде „Тур да юр“ деп айтыв еңилме? ²⁴ Тек сиз ер юзинде Айдем Баласынынъ* күналарды кеширмеге күші бар экенин билмеге керексиз». Соң Ол авырган кисиге: «Сага айтаман, тур, орнынъды ал да уйинъе кайт», – деди.

²⁵ Эм ол сол саватлей турды, олардынъ алдында яткан орнын алды, Аллады данъклап, уйине кайтып кетти. ²⁶ Бағыры де сейирсиндилер, Аллады данъкладылар эм коркувга тұсып: «Биз бұғын кайдай күжырлы ислерди көрдик», – деп, айттылар.

Исадынъ Левийди (Матайды) шакырувы

²⁷ Оннан соң Иса тыска шыкты эм ясак йынов ерде олтырган Левий атлы ясакшыды көрди, ога: «Меним ызыннан кел», – деди. ²⁸ Эм Левий, болғанын калдырып, турды да Онынъ ызыннан барды. ²⁹ Левий оғзининъ уйинде Исаға сыйлав зияпет этти, зияпетке көп ясакшылар да, баскалар да бирге йыйылдылар, ас-сув ишип олтырдылар. ³⁰ Фарисейлер мен дин альмлери сойлесип, Исадынъ сокталарына: «Сиз не ушин ясакшылар эм күналилер мен бирге еп-ишип олтырасыз?» – дедилер.

³¹ Иса оларга явапка: «Савлығы болғанларга туыл, а маразлыларга эмлевши керек болады. ³² Мен тұврашылларды туыл, а күналилерди төвбеге тұспеге шакырып келгенмен», – деди.

Ораза тутутв акында сорав

³³ Олар Исаға: «Не ушин Яхъядынъ сокталары да, фарисейлердікі де, тез-тез ораза туып, дува этедилер, а Сеникилер еп-ишип турадылар?» – дедилер.

* Айдем Баласы: Иса Масих.

³⁴ Оларга Иса: «Сиз калай көрсиз, эгер тойда киевдинъ касындағы тенълерине, ораза тутынъыз деп, буйырсанъыз ийги боларма экен? ³⁵ Заманы келгенде, киевди олардан тайдырсалар, сонда, сол күнлерде олар да ораза тутарлар», – деп яваплады.

³⁶ Оны ман бирге Иса оларга таварых айтты. «Эш бирев де яны кийиминнен ямавлық йыртып алыш эскирген кийимине ямамайды. Баскаша айтканда, ол яны кийимин де йыртар, эски кийимине де ямавга ярамас. ³⁷ Бирев де яс шагырды эски тулыкка куймайды. Баскаша айтканда, шагыр оны тасып тесер, оьзи де агып тоғилер, тулык та айлек болар. ³⁸ Ама яс шагыр яны тулыкка куйылмага тийисли болады*. ³⁹ Эш бирев де эски шагырды ишкенде, яны шагыр тилемес, неге десе: „Эски шагыр – ийги“ деп айттар», – деди.

*Шабат (юма эртеси)
куын акында сорав*

6 ¹ Бир шабат күн Исага эгин кырлардынъ иши мен озбага керекли болды. Онынъ сокталары бийдай масакларын уъзип, аяларында уйкалас, оны еп бара эдилер. ² Сонда фарисейлердинъ бир кесеклери оларга: «Сиз шабат күнинде тийисли болмаган затты неге этесиз?» – дедилер.

³ Иса оларга явапка: «Дауттынъ оьзи де, оны ман биргесине болганлар да ашыкканларында не зат эткенлерин оқымагансызба? ⁴ Ол Алладынъ уйине кирип, тек дин куллыкшыларына багысланып, баска биревге де емеге тийисли болмаган, онда салынган оытпеклерди алыш ашады эм оьзи мен турганларга да берди», – деди эм: ⁵ «Айдем Баласы шабаттынъ да Иеси», – деп косты.

Колы курыган айдем

⁶ Баска бир шабат күнинде Иса синагогка, халкты оқытайым деп, барды. Сонда онъ колы курыган бир айдем бар эди. ⁷ Дин айлимлери мен фарисейлер Исады шұышлемеге сылтав излейтаган эдилер, сонынъ ушин шабат күн эмлер ме экен деп, сынап, аньылыш турдылар.

* Бир кесек текстлерде болады: «Сол заманда экеви де сакланар».

⁸ Иса, олардынъ ниетлерин биле турғанлай, колы курыган айдемге: «Тур да ортага шық», – деди. Ол, турып, алдыга шыкты. ⁹ Сонда Иса оларга айтады: «Мен сизден бир затты сорайым: Не этпеге керек шабат күн? Яманлық па, яде яхшылық па? Янды куткарув ма, яде оны йойтув ма*?» ¹⁰ Олардынъ баърисине карап алды да сол колы курыган кисиге: «Колынъды соз!» – деди. Айдем айтканындай этти; онынъ колы баскасындай сав болды. ¹¹ Олар, ақылсыздай, ашувландылар эм оъз ара, Иса ман не зат этеек экен деп, сойлестилер.

Исадынъ он эки элиши

¹² Сол күнлөрде Иса тавга, дува этер уьшин, көтерилди де түн бойы Аллага дува эте турды. ¹³ Эртеси күн, Оъзининъ сокталарын шакырып, олардынъ арасыннан он экисин сайлап алды да оларга элши деген атты берди. ¹⁴ Иса Оъзи Петер деп атайтаган Шимонды эм онынъ тувган кардашы Эндрейди, Якупты эм Яхъяды, Пилигти эм Барталмайды, ¹⁵ Матайды эм Томады, Алтай улы Якупты эм Зилот** атлы Шимонды, ¹⁶ Якуп улы Юдады эм сонъында кынатшы болган Юда Искариотты айырды.

¹⁷ Иса олар ман бирге тавдан түсти, бир тегис ерде токталды. Онда Онынъ көплеген сокталары, Юдеядан, Ерусалимнен, деньиз ягадагы Тир мен Сидон ерлериннен келген көп халк туры эдилер.

¹⁸ Олар Оны тынъламага эм оъзлерининъ маразларыннан айырылмага келгенлер. Солай ок кара күшлердинъ азабын шегетаганлар да савартылдылар. ¹⁹ Исадан шыгатаган күш, баърисин де савартатаган себепли, бутиң халк Ога коллары ман тиймеге амал излейтаган эди.

Ийги тилеклер эм карғыслар

²⁰ Иса сокталарына көз атып: «Пакырлар бактылы, неге десе Алла Патшалыгы сизики. ²¹ Энди ашыкканлар бактылы, неге десе сиз тойдырылажысиз. Сөле йылайтаганлар бактылы, неге

* Бир кесек текстлерде: «„... йойтув ма?“ Олар уын демей эдилер».

** Зилот: Израилди рим айкершилерден тазаламага шалыскан айдем.

десе кульеексиз. ²² Айдем Баласы уьшин сизди көрип болмасалар, сизди ямагатынныздан айырып тасласалар, азарлап, сизинъ атыннызды наьлетлеселер де, сиз бактылысыз. ²³ Солай болган күн куваныныз эм шатланыныз, неге десе көкте сизинъ савганизы уйкен! Сизди көрип болмаганлардынъ аталары да пайхамбарлар ман тап солай этетаган эдилер. ²⁴ Керисинше, байлар, сизге – кайғы, неге десенъиз сиз энди оъз юбанышыннызды алгансиз. ²⁵ Кайғы – сизге, энди тойганларга, неге десе ашлыкта калаяксиз. Кайғы – сизге, энди куылгенлерге, неге десе, йылап, соңсыйыт этеексиз. ²⁶ Кайғы – сизге, эгер баъри халк сизге айрув айтса, тап солай аталары да ялган пайхамбарлар акында айтатаган эдилер.

Душпанларыннызды сүйинъиз

²⁷ Тек сизге, Мага тынълаганларга, айтаман: душпаныннызды сүйинъиз, сизди көрип болмаганларга ийгилик этинъиз. ²⁸ Сизди каргайтаганларга ийги тилек тиленъиз, сизди корлайтаганлар уьшин дува этинъиз. ²⁹ Сизинъ бир ягыннызга сокканга экиншисин де тутынныз; тыс кийиминъизди алаятырганга койлегинъизди де алмага тыювлык этпенъиз. ³⁰ Сизден тилейтаганнынъ кайсысына да беринъиз эм сизикин алгеннан артына кайтарувды излеменъиз. ³¹ Айдемлер сизге калай этпеге керегин сүветаган болсанъиз, сиз де оларга солай ок этинъиз.

³² Эгер сизди сүйгенлерди сүветаган болсанъиз, ога не мусирев бар? Неге десе куналилер де оъзлерин сүветаганларды сүедилер. ³³ Эгер сизге ийгилик эткенлерге, сиз де яхшылык этсенъиз, ога не мусирев бар? Неге десе куналилер де солай ок этедилер. ³⁴ Эгер бергенлеринъин кайтармага уьмитленип борышкага беретаган болсанъиз, сонынъ уьшин не мусирев? Неге десе куналилер де оъзлериндейлерге борышкага, сол кадер ок алар уьшин бередилер. ³⁵ Сиз душпанларыннызды сүйинъиз эм ийгилик этинъиз, борышкага да, артына бир затты та сакламай, беринъиз; сонда сизинъ савганъиз уйкен, сиз Алла Тааладынъ уллары боларсыз, неге десе Ол икрамсызларга да, огырсызларга да солай ок рагимли. ³⁶ Атанъиз рагимли болгандай, сиз де рагимли болынъиз.

Баскаларды терислеменъиз

³⁷ Терислеменъиз, сиз де терисленмессиз, айыпламанъыз эм айыпламассыз; кеширинъиз эм кеширувли боларсыз. ³⁸ Бери-нъиз, сизге де берилер: берекетли, мол оълшем мен уйилип, сып-ланыш, сизинъ күшагынызга куйылар, неге десе кайдай оълшем мен оълшесенъиз, солай ок сизге де оълшенер», – деди.

³⁹ Иса оларга тагы да бир таварыхты айтты: «Сокыр сокырды етип юрер ме экен? Экеви де шонъырга атылмаслар ма? ⁴⁰ Сок-тасы оъзининъ устазыннан йогары болмайды, а толы окувлы болганнын сонъ, кайсысы да устазындай болаяк. ⁴¹ Оъзинъинъ көзинъдеги баганады сезбей, аданастынъ көзинъдеги шоypке неге карайсынъ? ⁴² Не де сен оъз көзинъдеги баганады көрмей кар-дашынъа: „Кардашым, бер, мен көзинъдеги шоypти шыгар-ыйм“, – деп, кайтип айтарсынъ? Эй, экиюзли! Энъ алды ман көзинъдеги баганады шыгар, сонъ кардаштынъ көзинъдеги шоypти калай шыгармага болаягын көрерсинъ.

Терек эм емислер

⁴³ Яман емис беретаган яхшы терек болмайды: эм де ийги емис аькелетаган яман терек йок. ⁴⁴ Кайдай терек те оъз емисиннен танылады, неге десе көгем теректен ынжыр йыйылмас эм ийт-бурыннан юзим алымас. ⁴⁵ Огырлы аьдем юрегинде йыйылган яхшылыктан яхшылык шыгарады; ама огырсыз аьдем юрегин-де йыйылган яманлыктан яманлык тувдырады, неге десе онынъ авызы юрегиндегин билдиреди.

Эки негиз

⁴⁶ Сиз неге Мени, „Раббий, Раббий“ деп, атайсыз, ама Меним айтканларымды этпейсиз? ⁴⁷ Мага келип, Меним соъзлеримди тынълаган эм оларды толтырган айр аьдем кимге усаганын айтыйм:

⁴⁸ Ол терен казганнын сонъ, негизин тас уьстине калап, уй салган курувшыга усайды: сонынъ уьшин, сув тасыганда уйге келип со-гылса да, уйди козгалталмайды, неге десе ол яхшы каланганд*.

* Ол яхшы каланганд: бир кесек текстлерде «онынъ негизи тас уьстине каланганд».

⁴⁹ Тынълап, ама айтылганды этпеген аьдем, болса, уйин тульпиз ер уьстине калаган аьдемге усайды: негизсиз уй, сув келип сокканлай, опырап кетеди. Ондай уйдинь опыравы уллы болады».

*Урым юзбасшысынынъ ыргаты
сав болады*

7 ¹Иса Оъзин тынълайтаган халкка соьзлерин айтып кутылганнан сонъ Капарнаумга кирди. ²Онда бир урым юзбасшысынынъ баалаткан ыргаты оълим аьлге етип авырыйтаган эди. ³ Исадынъ акында эситкенлей, Ол жуйт аксакалларын, ыргатын сав этпеге келер ме экен деп, тилемип йиберди. ⁴ Аксакаллар Исага келип: «Бу аьдем ярдам этүвинье тийисли. ⁵ Ол халкымызды суьеди, биз ушин синагог та салдырган», – деп, ялбарып тиледилер.

⁶ Иса олар ман барды. Уйге этпеге бираз калганда, алдыла-рына юзбасшы досларын йиберип, Ога: «Кыйналма, Раббий, Сен меним уйиме кирмеге мен тийисли туывлман. ⁷ Сонынъ ушин мен Сага баралмаганым да, неге десе оъзимди ога тийисли туывлдай коърдим. Тек бир соьз айтсанъ, ыргатым сав болар. ⁸ Мен оъзим де баскаларга бойсынган аьдеммен, меним колымда да аьскершилэр бар. Олардынъ бирисине: „Кет“, – десем, кетеди; баскасына: „Кел“, – десем, келеди; ыргатыма: „Муны эт“, – десем, ислейди», – деп айттырды.

⁹ Иса, оны эситкенде, сейирсинди эм Оъзининъ артыннан келетаган халкка бурылып: «Сизге айтаман, сосындай ыйнанувды Мен Исраилде де таппаганман», – деди. ¹⁰ Йиберилгенлер, кери уйге кайтканда, ыргатты сав-эсен таптылар.

*Наин калада тул хатыннынъ
улынынъ тирилуви*

¹¹ Оннан сонъ тез арадан Иса Наин деп аталган калага кетти эм. Оны ман сокталары да, коъп халк та биргесине бардылар. ¹² Ол кала капысына янасып келген вакытта, былайда оъликти шыгарайтыр эдилер. Ол анасынынъ ялгыз улы эди, ана оъзи де тул хатын эди. Каладан шыгатаган коъп халк та сол хатын ман бирге бара эди. ¹³ Раббий хатынды коъргенде языксынды эм ога: «Йылама!» – деди.

¹⁴ Ювыклай берип, шапырашқа колын тийгистти; оны көтерген айдемлер токталдылар эм Иса: «Йигит, сага айтаман, тур!» – деп буйырды. ¹⁵ Оълик көтерилди, олтырды эм сойлеп баслады. Иса оны анасына кайтарды.

¹⁶ Сонда баърисин де коркув бийледи. Олар Аллады данъклап: «Бизим арамыздан уллы пайхамбар шыкты!» эм «Алла Оъз халкына ярдам этпеге келди!» – дедилер. ¹⁷ Исадынъ хабарлары бутин Юдеяга эм онынъ төгерегиндеги ерлерге яйылдылар.

Исадынъ Яхъя пайхамбарга явабы*

¹⁸ Яхъядынъ сокталары ога сол затлардынъ баърисин билдирилдер.

¹⁹ Сонда Яхъя сокталарынынъ экевин шакырды: «Сол келмеге тийисли Сенсинъ ме, яде баскады сакламага керек пе?» – деп, соратып, Исага йиберди.

²⁰ Олар Исага келип: «Шомылдырувши Яхъя бизди Сага, сол келмеге Сенсинъ ме, яде бизге баскады сакламага керек пе деп, соратып йиберген», – дедилер.

²¹ А сол вакыт Иса көплерди маразларыннан, сыркавларыннан эм кара күшлерден сав этетаган эди, көплеген сокырлардынъ да көрүүвин кайтаратаган эди. ²² «Барынъыз, көргөнлөринъизди эм эситкенлериңизди Яхъяга айтынъыз: сокырлар көз ашадылар; аксаклар юрип кетедилер; авыр тери маразлылар авырувларыннан тазаланадылар; саныравлар эситедилер; оългенлер тириледилер эм пакырларга Ийги Хабар билдириледи. ²³ Мага ыйнанувын йойтпаяк сол – наьсипли», – деди Иса келгенлерге явапка.

²⁴ Иса, Яхъядынъ элшилери кеткеннен соң, халкка Яхъядынъ устиннен айтып баслады: «Сиз шоълге не зат көрмеге барган эдинъиз? Ел мен шайкала турган камысты ма? ²⁵ Аьше, неди көрмеге барган эдинъиз? Юмсак кийимди кийген айдемди ме? Тек ярасык кийинетаганлар эм мол яшайтаганлар патша сарайларында боладылар. ²⁶ Неди карамага барган эдинъиз? Пайхамбарларды ма? Аьше, сизге айтаман, оннан да уллыракты. ²⁷ „Мине Мен элшимди Сенинъ алдынъа йибереятырман, ол

* Яхъя пайхамбар: грек тилде «сувга шомылдырувши Яхъя».

Сенинъ алдынъда йолынъды аьзирлеп юреек“, – деп язылган эне сол болады.

²⁸ Сизге айтаман, хатынлардан тувганлар арасында Яхъядан уллырак йок. Ама Алла Патшалыгында энъ кишкейи оннан уйкен».

²⁹ Яхъдинъ колы ман сувга шомылдырылган баяри халк, ясакшылар да йшинде болыш, Исадынъ соызлерин эситип, Алладынъ тузлигин данъкладылар. ³⁰ Фарисейлер мен Таурат аьлимлери болса, Яхъядынъ колы ман сувга шомылдырылмага унамадылар, Алладынъ оларга буырганын кери кактылар.

³¹ Сонда Иса: «Ким мен тенъlestирмеге болаяк сосы тукым аьдемлерди? Олар кимге усайдылар?» – деди. ³² «Олар, базар майданында олтырыш, бир бирине: „Биз сизге сыбызғы тарттық, а сиз бийимединъиз; биз кайғылы анълар йырладык, ама сиз йыламадынъыз“, – деп кышкырган балаларга усайдылар. ³³ Шомылдырувши Яхъя келди, не оьтпек емейди, не шагыр ишпейди, а сиз: „Онда йин бар“, – дейсинъиз.

³⁴ Аьдем Баласы келди, ашайды эм ишеди; а сиз: „Мине ас ашамага да, шагыр ишпеге де суведи, ясакшыларга эм күналигерге дос болады“, – дейсинъиз. ³⁵ Ама акыллылыктынъ тузлиги буытин аьвлетлеринде көринеди».

Исадынъ аягына май яккан хатын

³⁶ Фарисейлердинъ биреви Исады аска шакырды. Иса онынъ уйине барды, сыйыра янында оъз орынын алды. ³⁷ Сол вакыт ол каладынъ бир күнали хатыны, фарисей уйинде Исадынъ олтырганын билгенде, ак мермер шоълмек пен ийисли май алыш келди. ³⁸ Ол, Исадынъ аягынынъ касына ювыклап турды эм, йылап, көзяслары ман Онынъ аякларын ювды, сонъ оъз шашы ман суртти, оларды оьпти, ийисли-кокыслы майды ягыш баслады. ³⁹ Исады шакырган фарисей оны көргенде, оъзи оъзине: «Эгер дейим Ол уьшини мен де пайхамбар болса, Ол Оъзине ким эм кайдай кыскаяклы ябысатаганын билер эди; хатын – күналиди», – деди.

⁴⁰ Сонда ога карап, Иса: «Шимон, Мен сага айтаягым бар», – деди.

«Айт, Устаз», – деди Шимон да.

⁴¹ «Эки айдем бир ок иесине борышлы болганлар, – деп баслады Иса соьзин. – Бири бес юз динар тийисли, а экиншиси – элли.

⁴² Тек, олардынъ төлемеге бир затлары да болмаган себепли, экевине де борышларын кеширеди. Айтшы, экевининъ кайсысы оны бек сувер экен?»

⁴³ Шимон: «Меним ойыма көре, кимге көйбирек борышы кеширилген – сол», – деп яваплады.

«Сен дурыс ойлайсынъ», – деди Иса. ⁴⁴ Соңъ Иса хатынга карады да Шимонга айтты: «Коъресинъме сен бу хатынды? Мен сенинъ уйинъе келдим, сен Меним аягыма сувды да бермединъ. Бу хатын, болса, көзяслары ман Меним аягымды ювды эм шашлары ман суртти. ⁴⁵ Сен саламласканда да оьппединъ, а ол, Мен бу ерге келгенли, аягымды оьпкенин токтатпайды. ⁴⁶ Сен Меним басыма зейтун майын да якпадынъ, а ол аягыма да ийисли-кокыслы майды ягады. ⁴⁷ Сол себептен сага айтаман: онынъ коъп куналары кеширилгени ушин ол сойтип суйимин коърсетеди. А кимге аз кеширилетаган болса, сол аз суьеди».

⁴⁸ Хатынга да: «Сенинъ куналарынъ кешириледилер», – деди.

⁴⁹ Иса ман олтырган айдемлер ишлериннен: «Куналарды да кешириетаган Бу ким болды?» – дейтаган эдилер.

⁵⁰ Иса, болса, хатынга: «Сенинъ ыйнанувынъ сени куткарды; рахатлык пан бар», – деди.

Исага иерген хатынлар

8 ¹ Оннан соңъ Иса, уваз айтып, Алла Патшалагыннан ийги хабарды билдирип, калалар ман эллерде айланды. Он эки элшиси де оны ман бирге эди. ² Солай ок кара күшлерден куткарылган эм авырувларыннан савартылган кайбир хатынлар да Иса ман бирге бара эдилер: ишиннен ети йин шыккан Магдаллы Маръем, ³ Иродтынъ уйин юргистетаган Хузадынъ пишеси Йоханна ман Сусанна эм көплеген баска туьрли хатынлар. Олар Иса ман элшилерининъ исине оъзлерининъ мал-мулклери мен ярдамласатаган эдилер.

Эгинши акында таварых

⁴ Баъри калалардынъ яшавшыларыннан келип, Онынъ касына коъп халк йыйылган заманда, Иса таварых айтып баслады:

⁵ «Эгинши урлыгын шашпага шыгады. Эм ол шашатаган вакыт-

та урлыклардынъ бир кесеги, йол шетине түсип, тапталады. Көктиң куслары оларды шоыплейдилер.⁶ Баскасы таслыкка түседи де, шыксалар да сувсыз болган себепли курайдылар.⁷ Оъзге биревлери тегенеклер арасына түседилер эм, тегенеклер ойкенде, оларды от басады.⁸ А баска биревлери берекетли то-пыракка түседилер де тизилип тувадылар эм эгилгеннен юз кайта көп онъыс бередилер». Муны айтканнан соң: «Кимниң эситпеге айли бар болса, сол эситсин!» – деди.

Таварыхтынъ маңнеси

⁹ Исадынъ сокталары Оннан: «Бу таварых неди билдиреди?» – деп сорадылар. ¹⁰ Иса: «Сизге Алла Патшалыгынынъ сырларын билмеге билим берилген. А баскаларга карап, Мен таварыхлатып айтаман, неге десе олар карайдылар да көрмейдилер, эситедилер де аньламайдылар», – деп яваплады. ¹¹ «Мине таварыхтынъ маңнеси: урлық – ол Алла Сөзи. ¹² А йол шетине түскен урлыклар – олар соьзди эситувшилер, ама соньыннан ибليس келеди, олар ыйнанып куткарылмасын деп, юреклериннен соьзди алып кетеди. ¹³ А таска түскенлери – олар соьзди эситип, куваныш кабыл этувшилер, ама олардынъ тамырлары йоклыктан, ыйнанувлары кесек заманга етип, сынав вакытта ыйманнан шыгатаганлар боладылар. ¹⁴ А тегенеклерге түскенлери – соьзди эситувшилер, ама оъз йоллары ман кеткенде, каър, байлық, яшав завкы ман алданып бастырыладылар эм емис бермейдилер. ¹⁵ Берекетли то-пыракка түскенлери – олар соьзди эситкеннен соң, оны оғырлы эм алал юректе саклап, тузимлик пен онъыс берувшилер».

Орнына салынган майшырак

¹⁶ «Бирев де майшыракты савыт пан бастыраяк яде орындык астына салаяк болып яндырмайды. Оны, уйге киргенлер ярык көрсүн деп, орнына саладылар. ¹⁷ Белгили болмаслык ясыртын бир зат та йок эм ашылмай калмаяк эш бир терен ясырылган сыр да болмайды. ¹⁸ Сонынъ ушин эситкенлеринъиздинъ устиннен ойланынъыз. Кимде бар, сога берилеек; а кимде йок, соннан болаяк деп ойланганы да тартылып алынаяк».

Исадынъ анасы ман кардашлары

¹⁹ Исага анасы ман кардашлары келдилер. Ама халк койп болган себепли, олар Онынъ касына баралмадылар. ²⁰ «Ананъ ман кардашларынъ тыста Сени көрреек болып туралдылар», – деп билдирилер.

²¹ Иса оларга: «Меним анам эм кардашларым – Алла соьзин тынълавшылар эм оны толтырувшилар», – деп яваплады.

Давыл тынды

²² Бир куын Иса Оъзининъ сокталары ман кайыкка олтырды да: «Коълдинъ аргы ягына оътеек», – деди. ²³ Юзип бааятырганда, Иса уйклап кетти. Коълде ел эсти, күшли давыл көтерилди. Кайыкка сув куйылып баслаганда, олар кавыфлы айлге тұстидер.

²⁴ Сокталары Онынъ янына келип: «Насихатшы, Насихатшы! Айлек болаятырмыз!» – деп уянттылар. Иса турды, елди де, сувдынъ толқынласуын да тыйдырды. Давыл ятысты эм тынықлық энди.

²⁵ Соң Иса сокталарына: «Сизинъ ыйманынъыз кайдады?» – деди.

Олар коркып эм хайранланып, бир бирлерине: «Ким ди Бу? Ол елге де, сувга да буйырады, эм олар Ога бойсындылар», – деп айттылар.

Герасада йинлиди савартув

²⁶ Олар Галилеяга карсы орынласкан Гераса* кыралына юзип келдилер. ²⁷ Иса ягага шыккан заманда, Оны кала яшавшыларыннан бирев йолыкты. Ол, койптен бери йинли больш, кийим де киймей, уйде де яшамай, кабыр дорбынларында туратаган эди. ²⁸ Ол Исады коъргенлей, Онынъ алдына йығылды да күшли давысы ман кышкырды: «Алла Тааладынъ Улы Иса, менде не ишинъ барды? Азаплама мени, Сеннен тилеймен», – деди. ²⁹ Иса кара күшке бу айдемнен шыкпага буйырды. Неге десе кара күш ога койп кере ябысатаган эди. Сонынъ ушин ога шынжыр-бугавларды байлап, ыслап туратаган эдилер, кенем де ол шынжыр-бугавларды узип йин мен шоълге кувылатаган эди.

* Гераса: бир кесек текстлерде «Гадара».

³⁰ Иса оннан: «Атынъ калай?» – деп сораганда, ол: «Легион*», – деп яваплады, неге десе онынъ ишине сол кадер йинлер кирген эдилер.

³¹ Йинлер Исадан, бизди түйпсиз кайтпаска йиберме деп, ялбарып тиледилер.

³² Сол ерде тавда уйкен доңыз суруви отлайтаган эди. Эм йинлер Исадан сол доңызларга кирмеге ызын берувди тиледилер. Оларга ызын берилгенде, ³³ сол аьдемнен шыгып, доңызларга кирдилер де, сургини мен бийик ярдан көйлге атылып, баттылар.

³⁴ Сурувшилер болган ислерди көрдилер, шабып барып, калаларда, эллерде хабарладылар. ³⁵ Аьдемлер болган затларды көррек болып каладан шыктылар да Исага ювыклап келдилер эм ишиннен йинLERİ шыккан аьдемниъ кийинип, туз акылына келип эм Исадынъ аягында олтырганын көрип корктылар. ³⁶ Коңргенлер, болса, оларга йинлидинъ калай сав болганын айттылар. ³⁷ Сонда Герасадынъ тоғерегинде яшаган бұттар халк Исадан олардынъ ериннен кетпеге тиледилер, неге десе оларды уйкен коркув бийлеген эди. Ол артына кайтпага кайыкка олтыруды. ³⁸ Йинлериннен айырылган аьдем: «Оъзинъ мен бирге мени де алып бар», – деп тилегенде, Иса оны: ³⁹ «Бар, уйинъе кайт эм Алла сага не эткенин айт», – деп йиберди. Ол кетип, бұттар калада Иса ога не эткенин айтып айланды.

Яирдинъ кызы ман авырувлы хатыннынъ сав болуы

⁴⁰ Иса артына кайтканда, Оны халк хош көрип йолыкты, неге десе Оны баъриси де саклай эди. ⁴¹ Сонда синагогтынъ басшысы Яир деген аьдем келди эм Исадынъ аягына йығылып, Оннан уйине келмеге тиледи. ⁴² Неге десе он эки ясларындағы ялғыз кызы оълим айлде эди.

Иса онынъ уйине барайтырганда, халк тоғерегинде уймелестилер. ⁴³⁻⁴⁴ Он эки йылдан бери кан тасувдан кыйналған, бұттар байлығын эмлевшилерге сыраф этип берген, ама сав болалмаган бир кыскаяклы да Исадынъ артынан барып, Онынъ кийимининъ этегине колын тийгистти. Сол саъатлей онынъ кан агувы токталды.

* Легион: 6000 аьскерши.

⁴⁵ «Ким Мага тийип кетти?» – деп сорады Иса.

Баъриси де: «Тиймедин!» – дегенде, Петер эм оны ман бирге болганлар: «Насихатшы! Төйгерегинънен халк уймелеседилер эм кыстырадылар, а Сен: „Мага ким тийди?“ – деп, айтасынъ!» – дедилер.

⁴⁶ Ама Иса: «Ким ди бирев мага тийгенде, Мен Оъзимнен шыккан күшти сездим», – деди.

⁴⁷ Сонда хатын, энди билинмей калмаятын коърип, касына ювыклиды да, калтырап, Онынъ алдына йыгылды эм бутьин халк алдында не себептен Ога колын тийгисткенин эм сол саяатлей сав болганын ашык айтты. ⁴⁸ Сонда ога Иса: «Кыз*, сенинъ ыйнанувынъ сени куткарды. Рахатлық пан бара бер», – деди.

⁴⁹ Иса сойтип сойлей турганнынъ арасында, синагог басшысынынъ уйиннен бирев келип, ога: «Сенинъ кызынъ оълди, энди Устазды кыйнама», – деди.

⁵⁰ Ама Иса, муны эситип Яирге: «Коркпа, тек ыйнан, куткарылаяк», – деди.

⁵¹ Уйге келгенде, Иса Оъзи мен тек Петерден, Яхъядан, Якуптан эм кыздынъ атасы ман анасыннан баска биревди де киргистпеге унамады. ⁵² Баъриси де кыз ушин йылап, сыйыт этетаган эдилер. Ама Иса: «Йыламанызыз, ол оълмеген, тек уйклады», – дегенде, ⁵³ аьдемлер, кыздынъ оългенин билген себепли, Ога куълдилер.

⁵⁴ Ол, кыздынъ** колыннан ыслады да: «Тур, кызалак!» – деп, давысын коътерди. ⁵⁵ Кыздынъ яны келди, ол сол саяатлей турды. Иса ога ашамага бир зат бермеге буйырды. ⁵⁶ Ата-анасы сейирсиндилер. Иса оларга, болган затты биревге де айтпанызыз деп, буйырды.

Иса он эки соктасын халкка ийбереди

9¹ Иса он эки соктасын шакырып, оларга бутьин йинлерди еньмеге, авырувларды савартпага күш эм иелик берди. ² Соң оларды Алла Патшалыгын халкка билдиригеге эм маразлышларды сав этпеге ийберди.

* Кыз: бир кесек текстлерде «Таъвекеллен, кыз».

** Кыздынъ: бир кесек текстлерде «баърисин тыска шыгарды эм кыздынъ».

³ Оларга: «Йолга бир зат та алманызы: не таякты, не артпакты, не оытпекти, не күмисти. Кийиминыз де эки кат болмасын. ⁴ Кайдай уйге кирсенъиз де, сонда калынызы эм оннан йолга шыгынызы. ⁵ А эгер сизди элге ювытпасалар, сол каладан кетинъиз, оларга карсы болганынызды шаатлап, аякларыныздынъ табаныннан шанъды да кагып калдырынызы», – деп нашихатлады. ⁶ Сокталар элден элге юрип, айр ерде де Ииги Хабарды билдирдилер эм авырганларды саварттылар.

Иродтынъ юрги тынышлык таптайды

⁷ Болганлардынъ хабары тетрарх Иродка да етти. Эм ол адасты-састы, неге десе кайбировлер: «Бу Айдем – оылген ериннен тирилген Яхъя», – дедилер.

⁸ Баска биревлери: «Ильяс келген», оызгелери болса: «Бурынгы пайхамбарлардынъ биреви тирилген», – деп сойлейтаган эдилер.

⁹ Ирод: «Яхъядынъ басын кескен эдим. Бу ким экен? Эситетаган хабарларым не?» – деп, Исады коърмеге амал излестириди.

Бес мынъды тойдырув

¹⁰ Элшилери кайттылар, Исага оызлерининъ не эткенлерин хабарладылар. Иса оларды Оъзи мен айырым бир авлак ерге, Бетсайда деген каладынъ шетине, далага айкетти. ¹¹ Ама халк муны анълаганда Онынъ артыннан иерди. Иса олар ман Алла Патшалыгы акында сойледи, маразларыннан кутылмага кереги болганларды сав этти.

¹² Күн оытип, кас караланып баслаганда, он эки соктасы Онынъ касына келди эм Ога: «Халкты йибер, төгеректеги эллере барып, оызлерине азық эм конакбай тапсынлар; неге десе биз мунда бос ердемиз», – деп айттылар. ¹³ Ама Иса: «Сиз оларды ашатынызы», – деди.

Сокталары: «Бизим тек бес оытпек пен эки балыктан баска эш бир затымыз да йок, яде биз, оызимиз барып, сосы айдемлердинъ баъриси ушин ырызкы сатып алаякпа?» – дедилер. ¹⁴ Онда бир бес мынъга ювык айдем бар эди.

Иса Оъзининъ сокталарына: «Оларды ерге эллисерден олтыртынызы», – деди.

¹⁵ Сокталары солай эттилер де баърисин олтырттылар. ¹⁶ Иса, болса, бес ойтпек пен эки балыкты алды, көйкө карап, шүкир айтты да оларды сындырып халкка ульестирер ушин сокталарына берди.

¹⁷ Баъриси де ашап тойдылар, эм олардан арткан увакларды он эки савытка йыйдылар.

Петер Исады Масих деп таныйды

¹⁸ Бир вакыт Иса авлак ерде дува этип турганда, Оны ман сокталары да бар эдилер. Ол: «Халк Мени ким деп санайды?» – деп олардан сорады.

¹⁹ Олар Ога: «Шомылдырувши Яхъя деп; оъзгелери, болса, Ильяс деп; а баскалары бурынгы пайхамбарлардынъ бири тирилген дейдилер», – дегенди айттылар.

²⁰ Иса олардан: «А сиз Мени кимдей көрсиз?» – деди.

Петер Ога: «Алладынъ Масихи», – деп яваплады.

²¹ Ама Иса сокталарына, каты этип, муны эш биревге де билдирмеске буйырды.

Иса оълип тирилеегин билдиреди

²² Иса айтты: «Аьдем Баласы алдыда койп азапларды шекпеге керек. Аксакаллар, бас дин куллыкшылары эм дин альимлери Оны кабыл этпееклер. Ол оълтирилеек эм ушинши күнинде тирилеек».

²³ Соңь баърине де карап: «Эгер ким Меним артымнан бармага сүйсе, сол оъзи оъзине карамай, оъзи азап шегеек кашты* айр күн көтерип, Меним ызымнан барсын. ²⁴ Ким оъз янын саклагана шалысса, сол оны йойтар; а ким янын Меним ушин йойтса, сол оны саклар. ²⁵ Аьдем, бутин дуныяды бийлеп, оъзи оъзин йойтса, не де оъзин зыян этсе, муннан ога не пайда? ²⁶ Ким Меннен эм Меним соьзимнен уялса, соннан Аьдем Баласы да Оъзининъ, Атасынынъ эм де сыйлы мальеклердинъ данъкы ман келген вакытта уяляк. ²⁷ Сизге дурысын айтаман, мунда туратагандардынъ бир кавымлары, Алла Патшалыгын көрмей, оълимнинъ татувын билмеек», – деди.

* Каш: шульшилерди оълтириер ушин шуй мен керилетаган дарагаш.

Исадынъ туырленуви

²⁸ Сосы соызлерден сонъ сегиз күн кадер ойткенде, Иса, Петерди, Яхъяды эм Якупты алыш, тилек этпеге тавга көтерилди.

²⁹ Онда дува этип турган вакытта, Онынъ шырайы туырленди, кийими агарды, йылтырады. ³⁰ Эм мине сонда эки эр көринди, Оны ман сойлести. Олар Муса ман Ильяс эдилер. ³¹ Олар савле мен ярыкландырылган эдилер, Исадынъ Ерусалимде оьлип бу дуныядан көшкееги акында айттылар.

³² Петерди эм оны ман бирге болганлардынъ баърисин уйкы басты, ама уянганларында, олар Исадынъ ярыкланып туырленгенин эм Онынъ янында турган эки кисиди көрдилер. ³³ Кисилер касыннан кетеятырган вакытта, Петер, оъзи не айтканын да билмей: «Насихатшы! Биз мунда турсак, калай аьрув эди! Ушкос салаjak: бириси Сага, бириси Мусага эм бириси Ильяска болар», – деди.

³⁴ Петер соызин кутармай, булыт көринди де оларды каплап алды. Олар булыт ишине киргенде корктылар. ³⁵ Оларга булыт ишиннен: «Бу Меним сайлаган Улым; Онынъ соызин тынъланызы», – деген давыс келди. ³⁶ Сол давыс эситилип тынганда, Иса ялгыз эди. Сокталары уйн демедилер эм сол күнлөрде көргөнлөрди эш биревге де айтпадылар.

Йинли кедединъ сав болувы

³⁷ Экинши күнинде олар тавдан түсөятырганда, Исады көйп халк, алдына шыгып, йолыкты. ³⁸ Бирден халк арасыннан бирев: «Устаз! Тилеймен Сага, меним улымга ярдам эттага. Ол меним сынъар биревим. ³⁹ Ога йин ябыса туралы, ол бирден кышкырыклип баслайды. Йин оны калтыратады, онынъ авызын көпиртеди эм оны эзиетлеп, кыйынлыкка калдырады. ⁴⁰ Мен сокталарыннан йинди кувып шыгарувларын тилеген эдим, ама олар оны этеалмадылар», – деп кышкырды.

⁴¹ Иса ога явал берип айтты: «Эй, ыймансыз, йолдан шыккан тукым! Кашанга дери Мен сиз бен болаякпан эм сизди шыдал турмага тийислимен? Аькел мунда улынъды», – деди.

⁴² Яс келеятырган заманында, оны йин ерге йыкты, калтыратты, ама Иса кара күшти тыйды. Кедеди сав этти, оны атасына берди.

Иса оълип тирилеегин тагы да эскереди

⁴³ Бұтын халқ Алладың уллы күдиретине сейирситетаған зди. Бағысі де Исадың эткен ислерине айжайиленип турғанда, Ол сокталарына: ⁴⁴ «Бу соызлерге кулакларынызды салынызы: Айдем Баласы айдемлер колына тутылып берилеек», – деди. ⁴⁵ Ама олар бу соызлер не затты билдиретаганын аңыламадылар, мәннеси олардан ясырылғаныннан оны сезбелилер эм бу соыз ақында Исадан сорамага тартындылар.

Уйкенимиз ким болаяк

⁴⁶ Сокталар арасында, уйкенимиз ким болар экен деген, эрисүв шыкты. ⁴⁷ Иса, олардың көнъиллериндегин билип, кишкей балады алды да оны Озинин алдына салды. ⁴⁸ Эм оларга: «Меним атымнан сосы балады кабыл этип ким йолыгады, сол Мени кабыл этеди. Ким Мени кабыл этип йолыгады, сол Мени Йиберувшиди де кабыл этеди. Сол себепли сизинъ баъринъизден де кишкей ким болса, сол уйкенинъиз болар», – деди.

Сизге карсы болмаган – сизинъ яғынъыз

⁴⁹ Сонда Яхъя айтты: «Насихатшы! Биз Сенинъ атынъ манйинлерди күвүп шыгарувшы айдемди көріп, ол бизим арамыздан болмаган себепли, оны токтаттық».

⁵⁰ «Тыйманъыз, неге десе ким сизге карсы туыл, сол – сизинъ яғынъыз», – деди Иса оға.

Самария эли Исады киргистпейди

⁵¹ Исадың бу дуныядан көкке алынаjak күнлери ювықлаганда, Ол Ерусалимге бараж болып, тағекелленип, йолға шыкты.

⁵² Ол Озинин алдында хабаршыларын йиберди. Олар да барыш, Исадың келерине бағысина айзирлер ушин Самариядың эллериинъ бирине кирдилер. ⁵³ Ама Исады Ерусалимге баратаганы ушин киргистпелир. ⁵⁴ Мұны көріп, Онынъ сокталары Якуп пан Яхъя: «Раббий, сұйсенъ, Ильяс эткендей, биз көктен оттуыреек, оларды айлеклесин деп, айтаяк», – дедилер.

⁵⁵ Ама Ол, оларга бурылып, оларды тыйды эм: «Сиз оъзинъизде кайдай күш бар экенин билмейсиз. ⁵⁶ Айдем Баласы айдемлердинъ янларын айлек этпеге туыл, а куткармага келген», – деди. Оннан соң олар баска элге кеттилер.

Исага иеруъв акында дерис

⁵⁷ Олар йолда бааятырган вакытта Исага бирев: «Сен кайда барсанъ да мен Сенинъ артынънан бааякпан», – деди.

⁵⁸ Сонда Иса ога: «Тұлқилер инили боладылар, көктинъ куслары – уялы, а Айдем Баласынынъ бас сугар ери йок», – деди.

⁵⁹ А баскасына: «Меним артымнан иер», – дегенде, ол: «Раббий! Алды ман барып атамды көмип келмеге ызын берши», – деп тиледи.

⁶⁰ Иса ога: «Оългенлерди көммеге оълилердинъ оъзлерине калдыр; а сен барып, Алла Патшалыгын билдирип юр», – деди.

⁶¹ Тагы да баскасы: «Мен Сенинъ артынънан бааякпан, Раббий! Тек алды ман айелим мен аманласпага ызын бер», – деп тиледи.

⁶² Ама Иса: «Колын сабанга салган эм артына карап баратаган, Алла Патшалыгында кылышынмага сенимли туыл», – деп билдириди.

Иса етпис соктасын йибереди

10 ¹ Оннан соң Иса, Оъзининъ сокталарыннан тагы да баска етписин* сайлап айырды эм Оъзи бармага керек болған баяри калаларга эм ерлерге йиберди. ² Оларга: «Аслық онъыслы, а исшилер аз, сога көре аслық Иесиннен онъысына исшилер йибермеге тиленъиз.

³ Барынъыз! Мен сизди, козылардай, бөрилер арасына йибереятырман. ⁴ Биргенъизге не бокша, не артпак, не машпак алманъыз эм йолда эш бирев мен де саламласпанъыз. ⁵ Кайдай уйге кирсенъиз де, алды ман „Бу уйге рахатлық“ дегенди айтынъыз.

⁶ Онда рахатлыкты сүювши яшай болса, сиз тилеген рахатлык онда калар; егер болмаса, оъзинъизге кери кайтар. ⁷ Сол уйде калынъыз эм не зат пан зияптелесе, соны ашанъыз-ишинъиз, неге

* Етпис: бир кесек текстлерде «етпис эки».

десе исши оъз иси уьшин баргыга тийисли. Уй-уййден көшүп юрменъиз.

⁸ Эгер сиз калага кирсөнъиз, сизди онда хош көрүп йолыксалар, не берселер де соны ашанъыз. ⁹ Онда болган маразлыларды сав этинъиз, оларга „Алла Патшалыгы сизге ювыклаган“ деп билдиринъиз.

¹⁰ Ама сиз кирген кайсы бир калада да сизди ювытпасалар, сонда орамларга шыгып айтынъыз: ¹¹ „Каланыздынъ аягымызга ябыскан топырагын да сизге кагып калдырамыз. Тек билинъиз, сизге Алла Патшалыгы ювыклаган“. ¹² Сизге айтаман: Сол күндө сол калага көре, Содом каласына колайырак болаяк.

Тевбе этпегенлерге – кайғы!

¹³ Кайғы сага, Коразын! Кайғы сага, Бетсайда! Неге десе сизде болыш озган күдиретли ислер Тир ман Сидонда көрсөтилген болсалар, олар көктен бери эргөжадан кийим кийип, кульде олтырган эм төвбөгө түськен болар эдилер. ¹⁴ Ама кыямет күн сизден эсе де Тир мен Сидонга еңишлирек болаяк. ¹⁵ Сен де, көкке дейим оъренген Капарнаум ахыретке дери төймен түсирилеексинъ.

¹⁶ Сизди тынълайтаган, Мени тынълайды; сизди кери кагатаган, Мени де кери кагады. Мени кери кагатаган, Мени Йиберувшиди де кери кагады».

Етпис соктасынынъ кайтувы

¹⁷ Етпис соктасы артына куванышлы кайтты: «Раббий, Сенинъ атынъ ман бизге йинлер де бойсынадылар», – дедилер.

¹⁸ Иса оларга: «Мен көктен, ясноктай атылып түськен шайтанды көрдим. ¹⁹ Карапызыз, Мен йыланларды, каракуртларды эм душпаннанынъ баюри күшлерин таптамага сизге күдирет бөремен; сизге бир зат та заран этпек. ²⁰ Ама йинлердинъ сизге бойсынатаганларына куванганин эсе де, сизинъ атынъыз көкте язылганы уьшин шатланынъыз», – деди.

²¹ Сол вакытта, Исадынъ көньяли Сыйлы Рух пан куванышка толды эм: «Рахметлеймен Сени, Атам, көк пен ердинъ Иеси, неге десе Сен бу затларды акыллыштардан эм билимлилерден ясырып, сабийлерге аштынъ. Аьше, Атам! Сен солай этувди ийги көрдинъ. ²² Атам Мага айр не затты та берди. Улынынъ

ким экенин Атадан баска бирев де билмейди, Атасының ким экенин Улыннан эм Улы билдирмеге сүйгенлериннен баска эш бирев де билмейди», – деди.

²³ Соңь сокталарына, тек олар эситкендей этип, айтты: «Сиз көрүп турғанларды көргөнлердинъ көзлери насыпли. ²⁴ Неге десе сизге айтаман, көп пайхамбарлар ман патшалар сиз көргөнлерди көрмеге сүтетаган эдилер, тек көреалмадылар. Сол сиз эситкенлерди эситеек болатаган эдилер, ама эситеалмадылар».

Юмсак юрекли самарияшы акында таварых

²⁵ Мине сонда, Таурат альими турды, Исады сынап, сорав берди: «Устаз! Оымирлик яшавдан улисли болар ушин мага не зат этпеге керекти?»

²⁶ Иса ога: «Таураатта не зат язылганды? Оны кайтип окыйсынъ?» – деди.

²⁷ Сол бирев явап берип айтты: «Раббий Алланъды бүтин юрегинъ мен, бүтин янынъ ман, бүтин күшинъ мен, бүтин акылынъ ман сүй; ювыгынъды да, оъзинъди оъзинъ яраткандай, ярат».

²⁸ «Сен дурыс явапладынъ, солай этсенъ, (оымирлик) яшав табарсынъ», – деди Иса ога.

²⁹ Ама Таурат альими, оъзин акламага шалысып, Исадан сорады: «А меним ювыгым кимди?»

³⁰ Иса, ога яваплай, айтты: «Бир айдем Ерусалимнен Ерихонга барайтырганда, йолда ога йолбасарлар ябысадылар. Олар онынъ кийимлерин шештирип аладылар, оълим айлге еткерип төбелейдилер де кетедилер. ³¹ Бираздан сол ок йол ман бир дин куллыкшысы оьтеятырган болган, оны көрреди, ама йолдынъ аргы яныннан озып кетеди. ³² Солай ок сол ерден оьтеятырган левийли* де онынъ касына барып, карап, озып кетеди. ³³ Самариядынъ бир яшавшысы сол йолдан озаятырганда, устине барып калады, оны көргенде, языксынады.

³⁴ Онынъ касына келеди, яраларын зейтун майы ман, шагыр ман сұртип тазалайды, байлайды. Соңь, оны оъзининъ эшегине мингистип, конагуюйге айкеледи де онынъ кайгысын шегеди.

* Левийли: Алла уйинде ярдымшы айрекетши.

³⁵ Эртеси күн, кетеятырып, эки динар акшады шыгарып, коңа-гүйдинъ иесине узатады эм ога: „Оны каарсынъ; эгер көп затты зыраф этсөнъ, мен кайтканда, сага тольермен“, – деп тапшырады. ³⁶ Кайтип ойлайсынъ, мине сол ушевининъ кайсысы йолбасарлар колына тұыскен айдемге юык экен?» – деп айтты.

³⁷ «Оға ярдамласкан», – деди Таурат альими.

Сонда Иса: «Бар, сен де солай эт», – деди.

Иса Марьем мен Мартада

³⁸ Йолынынъ узагында Иса бир элге кирди. Онда Марта деген кысқаяклы Оны оъзининъ уйине киргистти. ³⁹ Онынъ Марьем деген синълиси бар эди. Ол Исадынъ аягынынъ касына олтырды, Онынъ соъзин тынълай эди. ⁴⁰ Марта болса, уллы зияпеттинъ каърин шекти, Исадынъ янына юықлад: «Раббий! Меним синълимниң бұтын исти мага калдырганы Сени бир де кыйнамайма? Мага ярдамлассын деп оға билдирсөнъ экен», – дегенди айтты.

⁴¹ Иса оға явапка: «Марта! Марта! Сен көп затларды каърлеп кыйналасынъ. ⁴² А тек бир зат керек. Марьем болса, оъзиннен эш бирев мен де сыйырылмаяк яхшы уълисин сайлаган», – деди.

Дува ақында

11 ¹ Иса бир кере йолда дува этпеге токталды. Дувадан сонъ сокталарынынъ бири Оннан тиледи: «Раббий, Яхъя оъзининъ сокталарын уйреткендей, бизди де дува этпеге уйреттага».

² «Былай айтып, дува этиньиз, – деди оларга Иса: „Аспандагы Атамыз, Сенинъ атынъ сыйлы болсын! Сенинъ Патшалығынъ келсин, Сенинъ эркинъ, коқтегиндей, Ерде де этилинсин.* ³ Күнлик оytпегимизди бизге аyr күнге берип тур. Аyr кимниң борышларын биз кеширгендей, ⁴ Күнналарымызды кешир. Бизди азғырувга туысирме, Яманлыктан бизди куткар***».

⁵ Тагы да оларга: «Айтпага, бир йол сизинъ ким эсе де биревинъиз, тенъине түн ортасында келип: „Досым, мага борышка-

* «Сенинъ эркинъ, коқтегиндей, ерде де этилинсин» деген соъзлер энъ эски текстлерде йок.

** «Яманлыктан бизди куткар» деген соъзлер энъ эски текстлерде йок.

га уыш оытпек берип тураш. ⁶ Йол уьстиннен мага теньим кирген. Мен ога бир зат та береалмайман“, – деп тилейди. ⁷ Сол бирев ога уй ишиннен: „Мени кыйнама. Энди эсик киртленген, балаларым мени мен орынга киргенлер. Турагайман эм сага бир зат та береалмайман“, – деп явапламага болаяк. ⁸ Сизге айтаман, эгер ол оытпекти дос болганы ушин бермесе де, онынъ токтавсыз тилегени ушин турып, нешев тилесе де береек.

⁹ Эм Мен сизге айтаман: тиленъиз – сизге берилер; изленъиз – сиз табарсыз; эсикке кагынъиз – сизге ашарлар. ¹⁰ Тилегенниң айрымына да берилиди, излегенге де табылады, кагатаганга да эсикти ашадылар.

¹¹ Сизден кайсы ата, улы оытпек тилеген заманда, баласына тасты берер? Яде балыкты тилегенде, балык орнына йыланды берер?

¹² Яде улы юмыртка тилегенде, ога каракуртты ким берер?
¹³ Соны ман, сиз кайдай яман болсанъиз да, оыз балаларынъизга ийги савгаларды берип билетаган болсанъиз, аьше, сизинъ аспандагы Атанъиз, Оннан тилегенлерге Сыйлы Рухын бермеекпе?» – деди.

Иса ма яде баалзабул (иблис) ма?

¹⁴ Бир кайта Иса сакавлык салатаган йинди кувалады. Йин айдемнен шыкканда, сакав сойлеп баслады. Турганлардынъ баяриси де сейирсиндилер. ¹⁵ Ама олардынъ бир кавымлары: «Ол йинлерди йинлердинъ бийи баалзабулдынъ күши мен кувалайды» дегенди айттылар. ¹⁶ А баска биревлери, Оны сынар ушин, Оннан көктен бир белгиди түсирип көрсөтүвүн тиледилер.

¹⁷ Иса, олардынъ ойларындагын билип, оларга айтты: «Оыз озыннен бөлинген айр патшалык бос калаяк. Ишиннен айрылган уй де бастырылаяк. ¹⁸ Шайтан ишиннен бөлингенде, онынъ патшалыгы калай сакланар экен? Мен оны сизге, сизинъ йинлерди баалзабулдынъ куваты ман кувады дегенинъиз ушин, айтаман. ¹⁹ Эгер Мен йинлерди баалзабулдынъ куваты ман кувалай болсам, аьше, сизинъ окувшыларынъиз оларды кимниң күши мен кыстайдылар экен? Олар сизинъ кадыларынъиз болсынлар. ²⁰ А Меним йинлерди Алладынъ

колы ман шыгаратаганыма көре, шексиз, Алладынъ Патшалыгы сизге еткен.

²¹ Эгер оyzининъ уйин күшли эм савытлы аьдем саклайтаган болса, онынъ мал-муылки коркынышта туыл. ²² Аман да ога баска күшлирек бирев шапкынлык этсе эм оны еньсе, онынъ сенген савыт-садагын да алар эм урлап алганын бойлер. ²³ Ким Мени мен туыл, сол Мага карсылыкта; ким Мени мен бирге йыйнамаса, сол шашады.

Кара күштинъ арт кайтувы

²⁴ Кара күш аьдемнинъ ишиннен шыкканнан соңъ, сувсыз ерлерде айланады, тыншаймага орын излеп юреди. Соңъ таппаганда: „Оъзим шыккан уйиме кайтайым“, – дейди. ²⁵ Кери киргендे, ол уйин сызырылган эм йыйыстырылган болыш табады. ²⁶ Соңында ол барады да оyzиннен де оғырсыз баска ети йинди биргесине аькеледи эм сол уйге кирип онда яшайдылар. Аьдемнинъ аьли артта алдынгыдан да яман болады».

Акыйкат наьсип

²⁷ Иса сойлей тура, йыйылганлардынъ ишиннен бир хатын, тавысын көтерип: «Сени тувдырган эм эмисткен ана бактылы!» – деди.

²⁸ Ама Иса ога: «Алладынъ соьzin ким эситеди эм оны толтырады, сол наьспилиди», – деп яваплады.

Белгиidi коърмеге излейдилер

²⁹ Аьдемлер көбирек йыйылганда, Иса сойлеп баслады: «Сосы несил саъаржи. Ол бир белгиidi коърмеге излейди, ама ога Юнус пайхамбардынъ белгисиннен баска бир белги де берилмеек. ³⁰ Юнус Ниневия ерининъ яшавшыларына белги болгандай, Аьдем Баласы да сосы несилге белги болаяк. ³¹ Кубыла Ханбикеси кыямет куын, сосы несилге ырув аьдемлери мен бирге көтерилип, оларды шуышлеек, неге десе ол ердинъ этегиннен Сульейменнинъ акыллылыгын тынъламага келди. Соъле, болса, сиз бен сол, ким Сульейменнен де уллырак. ³² Ниневиядынъ яшавшылары кыямет куын сосы несилге, ырув аьдемлери мен

бирге көтерилип, оларды шұышлееклер, неге десе олар Юнустынъ таварыхыннан сонъ тевбеге түскенлер. Сөле, болса, сиз бен сол, ким Юнустен де уллырак.

Шаркка шырак

³³ Эш бирев де май шыракты яндырып, таса ерге, не де савыт астына салмайды. Керисинше, уйге киргенлерге ярыкты берер ушин орнына саладылар. ³⁴ Шарктынъ ярыгы – көзинъ. Сога көре көзинъ таза көрсө, бұттын шаркынъ да ярык болар. Ама ол күнъирт көрсө, шаркынъ да каранъа болар. ³⁵ Соны ман, кара: ишинъдеги ярык – каранъалық болып шықпасын. ³⁶ Эгер дейим бұттын шаркынъ ярык болса, бир еринде де күнъиртлик болмаса, сонда, шырак сени ярыгы ман ярыкландыргандай, болган затынъ ярык болар».

Таурат альимлери мен фарисейлерди шұышлев

³⁷ Иса увазын айтып кутылганда, бир фарисей Оны оғзине уйле аска шакырды. Иса барды, сызыра янында Оъз орнын алды. ³⁸ Фарисей, Исадынъ ас алдында ювынмаганын көрип, сейирсинди.

³⁹ Ама ога Раббий: «Сиз, фарисейлер, аякты эм тепшекті тысыннан тазалайсыз, ама ишинъизден урлавга эм сааржиликке толгансыз.

⁴⁰ Ақылсыздар! Аьше, Ким тысындагын яраткан, Сол ишинде-гин де яраткан туыл ма экен? ⁴¹ Оннан эсе де, болган затынъыз бар бөлисип, садака беринъиз, сол заманда айр не затынъыз да таза болар.

⁴² Кайғы – сизге, фарисейлер! Неге десе бойтнектен, рутадан эм басқа түрли бакша ясылшасыннан оныншы кесегин ульиске береңиз, ама Алладынъ айдиллигине эм сүйимине эс этпейсиз. Сиз бу затларды этпеге, калган затларды да коймаска тийислисиз.

⁴³ Кайғы – сизге, фарисейлер! Неге десе сиз синагогларда энъ йогары төрлерди эм майданда сизге бас ийип саламласканды сүбесиз.

⁴⁴ Кайғы – сизге! Сиз, айдемлер барлығын сезбей, устьиннен таптап юрген, белгиленмеген кабырдайсыз».

⁴⁵ Таурат альимлердинъ бири: «Устаз, Сен муны айтып, бизди де тоғменлетесинъ», – деди.

⁴⁶ Иса ога: «Сизге, Таурат альимлерине де – кайы! Неге десе сиз аьдемлерге көтермestей юклерди атасыз да оъзинъиз ярдамласар ушин бармагынызды да кыймылдатпайсыз. ⁴⁷ Кайы – сизге! Неге десе сиз ата-бабаларыныз оълтирген пайхамбарларга эстеликлер курасыз. ⁴⁸ Сиз оны ман ата-бабаларыныздынъ эткенлерине шаат болып, буларды макуллайсыз: олар пайхамбарларды оълтиргенлер, а сиз (оларга эстелик кабырларды) курасыз. ⁴⁹ Сол себептен Алладынъ Ақыллылыгы бурай айткан: „Мен оларга пайхамбарларды эм элшилерди йиберекпен, ама олар бир кавымларды оълтирееклер, баскаларын кувгынга түси-рееклер“. ⁵⁰ Сога көре бу несил дуныядынъ энувшисьнен баслап баъри пайхамбарлардынъ тоғилген канлары ушин яваплы болаяк, ⁵¹ Абелдинъ каныннан алыш, курманлык шалынатаган ер мен Алла уйининъ арасында оълтирилген Зекерьядынъ канына дейим. Аьше, сизге айтаман: бу несил яваплы болаяк. ⁵² Кайы – сизге, Таурат альимлери! Неге десе сиз аьдемлерден билимниң (эсигине) ашкыпты тартып аласыз. (Ол эсиктен) оъзинъиз де кирмейсиз, киреек болганларды да тыясыз».

⁵³ Иса сол ерден кеткенде, фарисейлер мен Таурат альимлери Ога бек карсы турып, койп затларга яваплар айттырмага шалыстылар. ⁵⁴ Оны шұышлер ушин, Онынъ авызыннан бир зат эситетпеге сылтав излейтаган эдилер.

Экиюзлиликтен сак болув акында

12 ¹ Сол арада мынълаган аьдем бир бирлерин эзгендей топарласты. Иса басында Оъзининъ сокталарына карап айтты: «Фарисейлердинъ ашыткысыннан сакланыныз, ол да экиюзлик. ² Тыска шыкпай калган сыр болмас эм билинмей калмаяк ясыртын эш бир зат та йок.

³ Сизинъ каранъада айткан баъри затыныз күн ярыгында эситилинер. Уй ишинде баска биревге сыбырдан айтканыныз уйдинъ тоғесиннен заныраар.

⁴ Сизге, Меним досларыма, айтаман: аьдем кевдесин оълтире-таганнан коркпанызы, ол муннан соң баска бир зат та эталмаяк.

⁵ Мен сизге кимнен коркпага керегин айтайым: оълтиргеннен соң, сизди яханемге атпага болаяк Алладан коркынызы. Аьше, дей-

мен сизге, Оннан коркынъыз! ⁶ Бес торгайды эки ассарияга* сатпайдылар ма? Ама олардынъ эш бириң де Алла мутпаган.

⁷ Айтте, сизинъ басынъыздагы шаш түклеринъиздинъ барьиси де саналган. Коркпанъыз, сиз көп санлы торгайлардан баалысыз!

Иса халкка юрегинdegин айтады

⁸ Сизге айтаман: ким Мага ыйнаныш, Мени аьдемлер алдында ашык кабыл этеди, соны Аьдем Баласы да Алладынъ мальеклери алдында кабыллаяк. ⁹ А ким Меннен аьдемлер алдында таяды, соннан Мен де Алладынъ мальеклери алдында таярман. ¹⁰ Аьдем Баласына карсы бир зат айткан айр ким кеширилер, тек Алладынъ Рухын яманлаган бир де кеширилмес.

¹¹ Сизди синагог кенъеслердинъ, тоърелердинъ эм оъкимет башыларынынъ алдына аькелгенде, оъзимизди калай коршалармыз эм неди айтармыз деп, кыйналманъыз. ¹² Сыйлы Рух сизге сонда айтпага тийислисисин уйретер», – деди.

Акылсыз бай акында таварых

¹³ Уймелескенлердинъ ишиннен ким ди бирев Исадан: «Устаз, меним кардашыма асабалыкты мени мен ульессин деп айтсанъ экен», – деди.

¹⁴ Иса ога: «Эй, аьдем, ким Мени сизге кадылык этпеге, яде мулькинъизди ульестирмеге салганды?» – деп яваплады. ¹⁵ Сонында Ол онда болганларга: «Каранъыз, айр турли суганаклыктан сакланынъыз, неге десе аьдемниң яшавы мал-мулкинъ көплегине карамайды», – деди де ¹⁶ сосындай таварыхты айтып баслады: «Бир бай аьдемдинъ ери ога онъ аслык берген экен. ¹⁷ „Энди мен не этейим? Бұттан йыйылган аслыкты мага сакламага ер йок“, – деп бйлады ол. ¹⁸ Сонда: „Мен мине былай этейим. Эски амбарымды бузайым да яныы уйкен амбар салайым. Онда аслыгымды да, ырызкымды да йыярман. ¹⁹ Сонында оъзиме: Яным, сенинъ ырызкынъ көплеген, көп йылларга етееқ. Тыншай, аша, иш эм куван деп айтарман“, – деди. ²⁰ Ама

* Ассария: увак акша.

Алла ога: „Акылсыз! Бұғын кеше ок сенинъ янынъ алынаяк. Озынъе деп аьзирлегенинъинъ барьиси кимге тиер экен?“ – дегенди айтты.

²¹ Алладынъ алдында байымай, озынне деп байлыкты йыята-ган айр бир айдем де солай болаяк», – деди.

Карьлев эм кайгырув

²² Соң Иса Озынинъ сокталарына: «Сол себептен Мен сизге айтаман: не ашармыз деп, денинъиз ушин; не киермиз деп, кевденъиз ушин каър шекпенъиз. ²³ Ян – тамактан, ден – кийимнен артык.

²⁴ Каргаларга караныздага: олар не шашпайдылар, не ормайдылар, олардынъ беженлери эм саклайтаган ерлери де йок, ама оларды Алла тамакландырады. Сол куслардан сиз көлкө баалысыз! ²⁵ Сизинъ кайсынъыз, карьлеп, озынъиздинъ яшавыннызга бир саят болса да коспага болаякты? ²⁶ Эгер сиз сосы азганакай затты да эталмайтаган болсаныз, калганларына неге каър шегесиз?

²⁷ Лилия шешекейлери калай оысетаганларына караныздага: олар куллық та этпейдилер, эм уршық та ийирмейдилер, ама сизге айтаман, Сулеймен патша, айлемет көркли болса да, солардынъ бириндег ярасыклы кийинеалмаган. ²⁸ Эгер бұғын бар болган, а эртен отка тасланаяк кырда оыскен оыленди Алла солай кийиндеретаган болса, ашы, сизди де, аз ыйманлыларды, кийиндирмес пе экен? ²⁹ Солай болганда, сиз неди ашармыз, неди ишермиз деп карьлеменъиз эм кайгырманыз. ³⁰ Бу затлардынъ баърин де бу дуныядынъ халклары излейдилер; сизинъ Атаныз, болса, бу затлар сизге керек болғанын биледи. ³¹ Айр неден де бек Алладынъ Патшалыгын изленъиз, а бу затлар да сизге ога косылыш берилееклер.

³² Коркпа, кишкей суырим, сизинъ Атаныз сизге Патшалыкты бермеге макул көрген! ³³ Мал-мулькинъизди сатып, ярлыларга беринъиз. Заман ман бузылмайтаган капшыкларды, көктө кемимей тураяк карыналарды аьзирленъиз: сонда оларга урлавшы да ювымас, сонда күье де ашамас. ³⁴ Карынаныз сакланган ерде, юрегинъиз де сонда болар.

Уяғ кул

³⁵ Айр дайым кылымага айзир болынъыз эм шырагынъыз янып тұрсын. ³⁶ Сиз де сол, оғыз иесининъ неке кыйган тойдан кайтаяғын сактайтаган, келип, эсикти какканлай, оны ашпага айзир куллардай болынъыз. ³⁷ Иеси келгенде, оларды уяв тапса, сол куллар бактылы; дұрысын айтаман сизге, ол белин байлар, кулларын сызырага шакырар, оғзи келип, оларга бийип баслар. ³⁸ Түннинъ экинши, яде уышинши оылшеминде кайткан шағында да оларды солай, уйкламай, уяв көрсө, эне сондай куллар бактылылар. ³⁹ Ама муны билинъиз: егер уйдинъ иеси урлавшыдынъ кайсы саятте келеегин билген болса, ол уйин тонатпас эди. ⁴⁰ Сиз де мине солай, айзир болып турынъыз, неге десе Айдем Баласы сиз күтпеген вакытта келер», – деди.

⁴¹ Сол заманда Петер Оннан: «Раббий, бу таварыхты тек бизге ме, яде бағрисине де айтасынъма?» – деп сорады.

⁴² Иса айтты: «Бийи ыргатларынынъ уйкени этип салған, оларға оғтпекти мардасы ман заманында ульестириек сенимли эм ақыллы уй юргистувшисиндей болынъыз. ⁴³ Озининъ бийи келгенде, күлін солай эте турганын тапса, сол күл бактылы. ⁴⁴ Дұрысын айтаман сизге, ол оны бұттын мал-мұлқине басшы этип кояр. ⁴⁵ Ама кулы ишиннен, „Меним ием тезден келмес“ деп, айтса, ыргатларын төбелесе, ашап, ишип, эсирип басласа, ⁴⁶ сонда бу ыргаттынъ иеси, ол күтпей турган күнинде, ойлаған саятинде келер, оны бек каты язалар эм сенимсиз ыргатларынынъ арасына йиберер.

⁴⁷ Озининъ бийининъ ыхтыярын биле турган, оға айзирленменген эм иесининъ ыхтыярына карсы турган күл номай согылар. ⁴⁸ А ким билмегенлей язаланмага тийисли затларды эткен болса, сол аз согылар. Кимге көп берилсе, соннан көп те соралады. Кимге номай сеним тапшырылса, сонынъ яваплығы да көп болар.

Иса – бөйлинувдинъ себеби

⁴⁹ Мен ерге от түсирмеге келгенмен эм Мен энди онынъ тутаңып кетувиң тилеймен! ⁵⁰ Ама Мен, сувга шомылдырылғандай болып, азапка да шомылдырылмага тийислимен; эм ол зат болғанша, калай бир термилип тураман! ⁵¹ Сиз Мени дуныяга

рахатлық алып келген деп ойлайсызба? Йок, деймен сизге, рахатлық туыл, а бөлинүв.

⁵² Эндиden арбатын бес айдеми болган айел, ушеви экевине, экеви ушевине карсы болыш, бөлинеек. ⁵³ Атасы улына карсы, улы атасына карсы, анасы кызына эм кызы анасына карсы, кайнатасы келинине эм келини кайнанасына карсылыкта болаяклар».

Заманның белгиси

⁵⁴ Иса халкка айланып тагы да айтты: «Эгер сиз күнбатардан көтерилген булытты көрсөнъиз, сол саатлей, ямғырдынъ яваяғын айтасыз. Эм ушини мен де, явын явады. ⁵⁵ А кубылдан эскен елге сиз, исси болаяк деп, айтасыз. Эм солай болады. ⁵⁶ Экиюзлилер! Сиз ердинъ эм көктинъ белгилери неди аньлатканын билесиз, аьше, сосы заманның белгилерин кайтип аньлатпага керегин неге билмейсиз?

⁵⁷ Не болмага тийисли экенин, аклық неде болганын сиз озынъиз неге ойламайсыз? ⁵⁸ Сиз озынъиз бен давласувшыды төреге алыш бааятырганда, йолда оны ман яраспага каъренъиз; онсыз, ол сизди кадыга айкетер, кады сизди каравылга берер, а каравыл сизди тутнакка олтыртар. ⁵⁹ Сизге айтаман, сонъы увак акшанызыга дейим барьисин төлемей, сиз оннан шыгал-массынъыз».

Тевбеге түсьүвдинъ себеби

13 ¹ Сол вакытта бир кавымлар келип, Пилат оылтиртип канларын олардынъ курманлыкларынынъ каны ман карыстырткан галилеяшылар акында Исаға айттылар. ² Иса оларга: «Сол галилеяшылар сойтип язаланганлары, баска галилеяшылардан күналирек болганлары ушин деп ойлайсызба? ³ Йок! Тек айтаман сизге, тевбеге кайтпасанъыз, барьинъиз де солай йойылаяксыз. ⁴ А не айтпага болаяк сол, устине Шилоха каласы авып оылген он сегиздинъ акында? Сиз, олар Ерусалим яшавшыларынынъ баска биревлериннен көп шұышли эди деп ойлайсызба? ⁵ Йок! Ама сизге айтаман, эгер сиз де тевбеге келмесенъиз, барьинъиз де солай оълеексиз», – деди.

Емиссиз ынжыр тереги ақында таварых

⁶ Оннан соңъ Иса оларга сосы таварыхты айтты: «Бир айдеминъ юзим бавында ынжыр тереги ойсан. Бир кере ол, онда емис бар ма экен деп, карамага барады, ама емисти таппайды.

⁷ Сонда ол юзим бавын карайтаганга айтады: „Мен энди сосы ынжырдынъ емиси бар ма экен деп келетаганы уыш йыл болады эм бир заманда да емисти таппайман. Кес оны, орынды маңнесиз алыш турмага ога неден керекти?“

⁸ Юзимши: „Ием, оны энди де бир йылга калдыр, мен онынъ төйгерегин казайым, түбине коклык салайым. ⁹ Келеек йылда емис берсе, калар; эгер бермесе, кесерсинъ“, – деди».

*Шабат (юма эртеси)
куйнинде хатынды савартув*

¹⁰ Бир шабат куйнинде Иса синагоглардынъ бириnde оқытып туры эди. ¹¹ Сонда он сегиз йылдан бери йин берген мараздан булькирейип эм түзелеалмайтаган бир кыскаяклы да бар эди. ¹² Иса, оны коъргенде, оъзине шакырды да: «Хатын, сен маразынънан айырыласынъ», – деди. ¹³ Колын ога узатып салды. Хатын сол саватлей түзелди эм Аллады данъклап баслады.

¹⁴ Сонда синагогтынъ басшысы Исадынъ шабат куин эмлеп сав эткенине ашувланды да халкка: «Ислемеге ярайтаган алты куин бар, эмленмеге тек, шабат болмай, эне сол куинлердинъ бириnde келинъиз», – дегенди айтты.

¹⁵ Онынъ соъзине Раббий булай яваплады: «Экиюзли! Аьше, сиз шабат куининде оъгизинъизди, яде эшегинъизди авладан шыгарып, сувгармага айкетпейсизбе? ¹⁶ Ибрагимнинъ бу кызынънъ шаркын шайтан бийлегенли узак он сегиз йыл болады. Соны бу бугавдан шабат куин куткармага неге керек туывилды?»

¹⁷ Ол оны айтканда, явларынынъ баъриси уялды, а буютин халк Онынъ этетаган мактавлы ислерине куванатаган эди.

Ашыткы ман шұышитки урлык ақында таварыхлар

¹⁸ Иса, болса, айтты: «Алладынъ Патшалығы не мен тенъ эм оны не зат пан тенълестирийим? ¹⁹ Ол, оны айдем алыш ойз бавына олтырткан эм оннан ойсан, коъктинъ куслары онынъ бутакларында ясырынган терекке айланган, шұышитки урлыктай».

²⁰ Иса яне айтты: «Алла Патшалыгын тагы да не мен тенълестирейим? ²¹ Ол, хатын баярисин ашытар ушин алган уыш ойлшем ун ман карыстырган ашыткыдай».

Тар капы

²² Сойтип, Иса калалардан эм эллерден оьтип, халкты уйрете, Ерусалимге йол салып бара эди. ²³ Ким ди бирев Оннан сорады: «Раббий, аьше, куткарылайклар аз ба?»

Иса яваплады: ²⁴ «Тар капыдан оьтпеге баьри куьшинъизди салынъыз. Сизге айтаман, коыплер кирмеге излееклер, ама кире-алмаяклар. ²⁵ Уйдинъ Иеси турып капысын япканда, сиз тыста калып, капыды кагыш: „Раббий! Бизге аш!“, – деп тилемексиз.

Тек Ол сизге: „Мен не сизди, не кайдан келгенинъизди билмеймен“, – деп явап берек.

²⁶ Сол заманда: „Биз де Сени мен ашаган эм ишкен эдик. Эм бизди орамларда уйрететаган эдинъ“, – деп айтарсыз.

²⁷ Ама Ол: „Мен сизди де, кайдан келгенинъизди де билмеймен. Эй, яманлык этетаганлар! Баьринъиз де Меннен тайынъыз!“, – деп явапляж.

²⁸ Ибрагимди, Исхакты, Якупты эм буьтин пайхамбарларды Алладынъ Патшалыгында, ама оьзинъиздинъ тыска кувылганинъызды коьрип, сонда йылав эм тислер кыршылдатув болаяк. ²⁹ Аьдемлер куынтувардан да, куынбатардан да, сырттан да, кубыладан да келееклер эм Алладынъ Патшалыгында зияпette оьзлерининъ орынларын табаяклар. ³⁰ Тек сонъындагылар биринши эм бириншилер сонъындагылар болаяклар».

Ай, Ерусалим!

³¹ Сол заманда Исадынъ касына бир неше фарисейлер келдилер де: «Сен бу ерден шыгып кет, неге десе Ирод Сени оьлтиреек болады», – дедилер.

³² Иса оларга: «Барынъыз да сол тулькиге Меннен айтынъыз: „Мен буьгуун де, эртен де йинлерди куваякпан эм аьдемлерди сав этип юреекпен, а бирсигуун мырадыма етеекпен“. ³³ Не зат болса да, Мен буьгуун де, эртен де, бирсигуунде де оьз йолым ман бармага тийислимен, неге десе пайхамбар Ерусалимнинъ тысында оьлип болмайды.

³⁴ Ай, Ерусалим, Ерусалим! Пайхамбарларды оылтиресинъ эм сага йиберилгенлерге тас атасынъ! Мен неше кере сенинъ балаларынъды, куслар балапанларын канатлары астына йыйганша, йыймага каърледим, тек сен оны унамадынъ! ³⁵ Караныз, бу уйинъиз сизге бос калдырылады. Сизге айтаман, энди сиз Мени, „Раббийдинъ аты ман Келеятырганга шулькир болсын!“ деп айтканша, көреек туывалсыз», – деди.

Иса фарисейдинъ уйинде

14 ¹ Шабат күнлериинъ биринде Иса ас ишпеге фарисейлердинъ басшыларынынъ бирининъ уйине келди. Фарисейлер Онынъ Озын калай тутаягына карадылар. ² Исадынъ алдында сарысув маразыннан кыйналатаган айдем олтыра эди. ³ Иса фарисейлерден эм Таурат альимлериннен: «Шабат күн эмлемеге болаякпа экен?» – деп сорастырды. ⁴ Олар уын демедилер. Сонда Иса айдемди оyzине шакырды да маразыннан сав этип йиберди. ⁵ Оннан соң: «Сиз улынъыз, яде болса да оғизинъиз шабат күн күйига атылса, сол саатлей оны шыгармаяксызыба экен?» – деди. ⁶ Олар явапка бир зат та айталаудылар.

Конакларга эм уй иесине дерис

⁷ Иса, конаклар сыпырадынъ тоър бетине шыгып олтырмага шалысатаганын эслеп, оларга сосы таварыхты айтты: ⁸ «Сени бирев неке кыйылатаган тойга шакырган заманда, тоърге шыгып олтырма. Сеннен сыйлырак бирев конаклар ишиннен шыкпага болаяк. ⁹ Соңында экевинъизди де шакырган конакбай, касынъызга келип: „Орнынъды бу айдемге берсенъ экен“, – демеге болар. Ол заманда сен уялыш, шеттеги орынга олтырмага керек боларсынъ. ¹⁰ Шакырылсанъ, барып кыйырдагы орынга олтыр. Уй иеси келип: „Досым, тоърге шыгып олтырсанъ“, – дер. Сол заманда сени мен бирге олтырганлардынъ алдында сен ойретленерсинъ. ¹¹ Озын-оъзи көтерувши тоъменленеек, оъзи-оъзин тоъменлетувши көтерилеек».

¹² Соңында Иса конакбайына да булай айтты: «Эгер сен уйле, яде кешки ас этсень, оъзинъинъ досларынъды, кардаш-кавымынъды, яде колайлы конъысыларынъды шакырма. Олардынъ сага,

сени бир заманда шакырып, эткенинъди кайтармага амаллары бар. ¹³ Сога көре ас эткенде ярлыларды, сакатларды, аксакларды, сокырларды шакыр. ¹⁴ Сен сонда насыпли боларсынъ, неге десенъ олар ийгиликти кайтаралмаяклар. Түз аьдемлер тирилгенде савга аларсынъ».

¹⁵ Муны эситип, Иса ман олтырганлардынъ биреви Ога: «Алладынъ Патшалыгындагы зияппетте оьтпек ашаяк аьдем насыпли», – деди.

¹⁶ Иса ога: «Бир аьдем уллы зияпет этип, көплерди шакырган эди. ¹⁷ Астынъ заманы еткенде, ол оyzининъ кулын шакырылганларга: „Не зат та аьзир, келинъиз“, – деп, айттырып, йибереди. ¹⁸ Ама олардынъ баъриси де, бир тилден болгандай, кеширүвди тилеп баслаптылар. Бириси: „Мен соъле-аъле ер сатып алганман, соны барып көрмеге керекпен, кешир мени, тилеймен“, – деди.

¹⁹ Баскасы: „Мен бес косак оъгиз сатып алдым эм оларды сынамага бааятырман, кешир мени, тилеймен“, – дегенди айтады.

²⁰ Ушиншиси: „Мен уйленгенмен, сонынъ ушин бааялмайман“, – дейди.

²¹ Кулы кайтып, бийине баърин де еткереди. Сонда уй иеси ашувланады да кулына: „Тез болып шыгып, каладынъ орамлары эм сокпаклары ман бар да, мунда ярлыларды, сакатларды, аксакларды эм сокырларды алыш кел“, – деп буйырады.

²² Кулы: „Ием! Сенинъ буйырыкларынъ толтырылды, ама тагы да орын бар“, – дегенди айтады.

²³ Бий кулына: „Йоллар эм кора бойлары ман барып, меним уйим толгандай, тапканларынъды келмеге разы эт“, – деди.

²⁴ Сол себептен, сизге айтаман, мен алдыда шакырганлардынъ* биреви де меним асымнан авызына салмаяк», – деди.

Исадынъ сокталары

²⁵ Иса ман бирге көп халк бара эди, эм Ол оларга бурылып:

²⁶ «Эгер Мага иерип, ама оyzининъ атасын, анасын, пишесин, балаларын, ага-инилерин, айпте-карындасларын эм ога да ко-

* Бир кесек текстлерде сосы соъзлер косылады: «Неге десе шакырылганлар көп, тек сайланып алынганлар аз».

сып яшавын Меннен бек баалырак көрсө, ол Меним соктам болалмайды.

²⁷ Ким оъзи азап шегеек кашын алыш бармаса эм Меним ызымнан иермесе, сол Меним соктам болалмайды.

²⁸ Неге десе, айтпага, сизден ким эсе де бирев кала салмага сүйсө, онынъ курылсын битирмеге не шаклы акша керек болаягын алды ман олтырып санамаспа? ²⁹ Эгер ол түбин калап, курылсын кутылмага аьли болмаса, ³⁰ сонда оны көргөнлердинъ баяриси де: „Сол аьдем салыш баслады, ама битиреалмады“, – деп күлееклер.

³¹ Яде бир патша, баска патша ман согыска бара турып, мага йырма мынъ аьскерши мен келеятырганга он мынъ аьскершим мен карсы турмага карувым бар ма экен деп, алды ман олтырып, ойламаспа? ³² Эгер карувым йок деп санаса, душпаны энди де эректе турганлай, ярасувлыктынъ шартларын тилеп, элшилер йиберер. ³³ Сизге де солай, аьр кайсынъыз оъзинъиздинъ бүтин болган затынъыздан бас кешпеген Меним соктам болалмайды.

³⁴ Туз – яхши зат, ама ол оъзининъ даьмин йойтса, оны не мен тузлы этпеге болаяк? ³⁵ Ол ерге коклыкка да яраяк тувыл, оны таслап коядылар. Тынъламага кулагы болгай эситсин!» – деди.

Адаскан кой акында таварых

15 ¹ Баяри ясак йыювшилар эм куналилер Исады тынълар ушин, Онынъ янына йыйыла эдилер. ² Фарисейлер мен дин альимлери болса: «Ол куналилер мен катнасады эм олар ман бирге ашайды», – деп, разы болмай, оъз ара сойлестилер.

³ Сонда Иса оларга бу таварыхты айтты: ⁴ «Айтпага, аранынъыздан ким болса да биревдинъ юз койыннан бири адаскан. Аьше сиз, токсан тогызын авлакта калдырып, адасканын тапканга дейим излемессизбе?

⁵ А тапканда, суюинип, оны арканынъызга салыш, ⁶ уйге кайтарсыз, досларынъызды эм конъысыларынъызды шакырып, оларга: „Мени мен бирге куванынъыз, неге десе мен адаскан койымды тапканман“, – дерсиз.

⁷ Тевбе этпеге керекли болмаган токсан тогыз туз аьдемлерден эсе, кунали бир аьдемнинъ тевбеге түскени ушин көкте куваныш солай койп болар деп, сизге айтаман».

Йойылган акшадынъ акында таварых

⁸ «Эгер кыскаяклыда он күмис акшасы* болып, биревин йойтса, ашы, ол шыракты ягып, уйининъ кувыс-муйисин сыйрып, оны тапканша излемесп? ⁹ Оны тапканда, оъзининъ кыймасларын эм конъысыларын шакырып, оларга: „Мени мен бирге суюининъиз, мен йойылган акшамды тапканман“, – деп айттар. ¹⁰ Сизге айтаман: „Алладынъ майлеклери бир күналидинъ төвбө этүвине солай ок куванадылар“».

Адаскан ул акында таварых

¹¹ Иса тагы да косты: «Бир кисидинъ эки улы болышты.

¹² Кенжепайы атасына: „Атам, мулькинъинъ мага тийисли ульисин айырып бер“, – деди. Атасы мулькин улларына бойлди.

¹³ Тез арадан кишкей улы, баъри болган затларын йыйып, узак ерге кетти. Онда азгырувлыкка берилип, байлыгын йойды.

¹⁴ Баърисин де шашып кутылган сонъ, сол элге бек уйкен ашлык келгенде, ол муктажланып баслады. ¹⁵ Оннан сонъ, ол сөллеги элдинъ бир яшавшысына ялшылыкка түстү, а ол оны оъзининъ шошкаларын бакпага далага йиберди. ¹⁶ Эм ол доңызлар ашайтаган кабыклар ман курсагын толтырмага да разы эди, ама оны да ога бирев бермеди.

¹⁷ Сол заманда эсин йыйып: „Атамда неше бир ялши бар эм ырызкысы да көйп, а мен мунда аштан оълеятырман“, – деди.

¹⁸ „Барып, атама кайтайым да ога айтайым: Атам, мен көктинъ эм сенинъ алдынъда күнали болдым. ¹⁹ Энди сенинъ улынъ деп аталмага да тийисли туывулман; мени ялшыларынънын бириси этип болса да ал“.

²⁰ Эм ол, турып, атасына кетти. Оны эректен көрип, атасы аяды, алдына ювырып барып, күшагына алды, оылти. ²¹ Улы ога: „Атам, мен көктинъ эм сенинъ алдынъда күнали болдым. Энди сенинъ улынъ деп аталмага да тийисли туывулман“, – деди.

²² Ама атасы оъзининъ кулларына: „Тез барып, энъ яхши кийимди аькелип, оны кийиндириньиз, бармагына юзик салы-

* Күмис акша: грекша *драхма* (Иса Масихтинъ заманында 1 драхма исшидинъ күнлик кыйын ағы эди).

нъыз, аякларына машпак кийгистинъиз! ²³ Бесленген бузавды айкелип шалынъыз; зияпет этип, байрам этеек. ²⁴ Неге десе меним бу улым оылген эди, мине ол тирилди, ол йойтылган эди, энди табылды“, – деди.

²⁵ Сол заманда онынъ уйкен улы кырда болган эди; ол кайтып, уйге ете баслаганда, уйде йыр анъларын эм биов тавысларын эситти. ²⁶ Ол куллардынъ бирисин шакырды, онда не зат болатаганын сорады.

²⁷ Кулы ога: „Сенинъ ининъ кайтып келди, атанъ онынъ савсаламат кайтканы ушин куванганыннан, бесленген бузавды шалдырды“, – деди.

²⁸ Тунъыш улы ашувланды эм уйге киргиси де келмеди. Сонда атасы шыгып, ога тилек салды. ²⁹ Тек улы: „Сол йылларда мен сага, кулдай, исследим, бир заманда да айтканынънан шыкпадым. Сен, болсанъ, меним ушин кишкей улак та сойып, теньлерим мен байрам этпеге да бермединъ. ³⁰ А энди, мулькинъди яман хатынларга шашып таъвескен бу улынъ уйге кайтканда, сен онынъ ушин бесленген бузавды шалгансынъ!“ – деди.

³¹ Атасы ога: „Улым, сен айр вакыт мени мен бирге единъ, эм бүттин мульким – сеники. ³² Ама биз сенинъ бу ининъ оълип тирилгени эм йойтылып табылганы ушин куванып байрам этпеге керекли боламыз“, – деди».

Намыссыз уй юргистувши акында таварых

16 ¹Иса Оъзининъ сокталарына айтты: «Бир бай айдемнинъ уй юргистувши болган. Ол онынъ мулькин шашады деген хабар байга етеди. ² Иеси оны шакырып: „Мен сенинъ акында не затлар эситетен? Оъз исинъ акында эсап бер, неге десе сен муннан арбатында уй юргистувши болалмайсынъ“, – дегенди айтады.

³ Сонда уй юргистувши оъзи оъзине: „Мен не этайим? Ием меннен уй исин юргистувди алайтыр. Ер казып болмайман, тиленмеге уяламан. ⁴ Уй исин юргистувден шыгарылган заманда, мени оъзлерининъ юртларына алгандай этер ушин не ислемеге керегин билемен“, – деди.

⁵ Соңыннан оyz иесине борышлары болган аьдемлерди бир-бирлеп шакырып, бириňшисине: „Меним иемге не шаклы борышлысынъ?“ – деди.

⁶ Аьдем ога: „Юз оылшем май борышлыман“, – деп яваплады.

Ол ога: „Кагытларынъды ал да, олтырып, тез болып элли деп яз“, – деди.

⁷ Соң баскасына: „А сен нешев борышлысынъ?“ – деди.

Аьдем: „Юз оылшем бийдай“, – деди.

Ога да: „Кагытларынъды ал да сексен оылшем деп яз“, – де-генди айтты.

⁸ Иеси намыссыз уй юргистуввисин оyzин ақыллы тутканы ушин мактады. Белгилисингеше, бу оымирдинь аьдемлери оyzлериндей болганлар ман ислевде ярыктынъ балаларыннан* ақыллырак. ⁹ Мен сизге айтаман: арам байлык пан озынъизге дослар табыныз. Сойтип, байлыгыныз йок болганда, сизди оымирлик меканларга кабыл этерлер.

¹⁰ Азда сенимли болган, асламында да сенимли, а азда сеним-сиз, асламда да сенимсиз. ¹¹ Сонынъ ушин, сиз арам байлыкка сенимсиз болсанъыз, акыйкатлык байлыкты сизге сенип ким аманат этер?

¹² Эгер де сиз баскадынъ мульки мен сенимли болмаган эсенъиз, оyz мулькинъиз болгандай этип, сизге ким затын сенип берер?

¹³ Эш бир кул эки иеге бирден куллык этеалмайды; неге десе ол яде олардынъ биричин көрүп болмас, а экиншичин яратар, яде биревине бек шалысар, а экиншичине эс бермес. Сиз бир ок заманда Аллага да, байлыкка да кул болалмассыз».

Taurot pan Алла Патшалығы

¹⁴ Акша сүетаган фарисейлер де бу затлардынъ баярисин эситтилер эм Исага күллейтаган эдилер. ¹⁵ Ол, болса, айтты: «Сиз озынъизди аьдемлер алдында тұврашыллардай этесиз, ама Алла сизинъ көнъилинъиздегин биледи, неге десе аьдемлер арасында йогары бааланган затты Алла көрүп болмайды.

* Ярыктынъ балалары: ярыкты сүйген, ыйнанган аьдемлер.

¹⁶ Таураттынъ эм пайхамбарлардынъ заманы Яхъяга дейим болган эди. Оннан соңъ, болса, Алла Патшалыгы акында Ийги Хабар увазланып бериледи. Ога а yr ким де күш салувы ман киреди.

¹⁷ Ама Таураттынъ бир сзығы йогалганнын эсे де, көк пен ердинъ йогалувы тезирек болаяк.

¹⁸ Оъз хатыннынан айрылып, баска хатынга уйленувши зиналык этеди, эриннен айрылган хатынга уйленувши де солай оқ этеди».

Бай эм Лазар

¹⁹ «Бир бай аьдем болган. Ол карагошкыл кызыл эм баа кумашлардан кийим киетаган болган эм а yr куын кейифли яшаган.

²⁰ А онынъ каралдысынынъ капысында Лазар атлы пакыр ятаган эди. Онынъ уьсти буьтин котыр ман ябылган эди. ²¹ Ол, байдынъ сыпырасынан түскен увак-туъеклерин де еп, тамакланмага куьсейтаган эди. Ийтлер де келип, онынъ котырларын ялайтаган эдилер.

²² Вакыты келгенде, пакыр оъледи эм маълеклер оны Ибрагимниң кушагына аькетип бередилер. Бай да оъледи, оны да көмединер.

²³ Ахыретте азап шеккен бай көззерин көтергенде, алыста Ибрагимди эм онынъ кушагында Лазарды көреди. ²⁴ Ол кышкырып: „Атам меним Ибрагим, языксын мени эм Лазарды йибер. Ол бармагын сувга малыш, меним тилимди суывытсын, неге десе мен бу отта азап шегемен“, – дегенди айтты.

²⁵ Ама Ибрагим ога яваплады: „Улым! Эсиńье тусир, сен яшавынъда оъз ийгилигинъди алдынъ, а Лазар да яман аylde эди. Энди ол мунда юбаныш тапты, а сен азап шегесинъ. ²⁶ Оннан соңъ, бизим арамызда тик кая бар, соннан себеп сенинъ яғынъа оytпеге суйген оьтеалмаяк эм эш бирев де сеннен бу якка көшеалмас“, – деп яваплады.

²⁷ Бай: „Булай эсе, атам, сеннен тилеймен, Лазарды меним ата юртыма йибер. ²⁸ Неге десе менде бес тувган кардаш бар; Лазар оларга коъргенин айтсын, олар да бу азап шегувь ерине келип олтырмасынлар“, – дегенди айтты.

²⁹ Ибрагим ога: „Оларда Муса эм пайхамбарлардынъ китаблары бар. Оларга тынъласынлар“, – деди.

³⁰ А ол: „Йок, Ибрагим атам, оылгенлерден бирев оларга келсе, олар төвбөгө түйсер эдилер“, – деди.

³¹ Бу затка Ибрагим: „Эгер олар Мусады эм пайхамбарларды тынъламайтаган болсалар, бирев оылгенлерден тирилсө де, оларды ыйнандыралмас“, – деп яваплады».

*Азгырувлар, кеширув,
ыйман эм борыш акында*

17 ¹Иса Оъзининъ сокталарына булай айтты: «Аъдемлерди күнага айкететаган азгырувлар келмей калмаяк, ама азгырув ким аркалы келсе, сога – кайғы! ²Сосы кишкейлердинъ тек биревин күнага киргисткенге, мойнына түйирмен тас тағылып, деньизге тасланганы яхшырак болар эди. ³ Сонынъ ушин сак болынъыз! Эгер кардашынъыз күнага түссетаган болса, ога айыбын айтынъыз, а эгер дейим төвбөгө келип оъкинсе, оны кеширинъыз. ⁴ Эгер дейим ол күнине ети кере сага карсы болып күнага кирсе, ети кере: „Куналимен – оъкинемен“, – деп келсе, оны кешир».

⁵ Элшилери Раббийден: «Бизим ыйнанувымызды көйбирек эттагы!» – деп тиледилер.

⁶ «Эгер сизинъ шұыштқи бұртиги қаъдер ыйманынъыз болса, сиз бу ынжыр терегине: „Муннан тамырынъ ман сувырылып алынып, оъзинъди деньизге олтырт“, – десенъиз, ол сизге бойсонар», – деди Раббий.

⁷ «Айтпага, сизде сабаншы, яде койшы кулынъыз бар. Ол кырдан кайткан заманда: „Тез болып кир, сыпыра янына олтыр“ – деп, айтарма экенсиз? ⁸ Йок, сиз керисинше ога: „Мага кешки ас айзирлеп куй да, белинъди бувып, мен ашап-ишкен вакытта мага аякшылық эт; оннан соңь оъзинъ де ашап-ишерсинъ“, – деп айтарсыз. ⁹ Сиз буйрықларынъызды толтырган кулынъызга разылығынъызды соңында* айтарма экенсиз? ¹⁰ Сиз де солай, оъзинъизге бұтын буйрылғанларды эткеннен соңь: „Биз маңнесиз куллармыз, неге десе биз тек борышымызды толтырдык“, – деп айтарсыз».

* Бир талай текстлерде сосы соызлер косылған: «Айтпассыз деп, ойлайман».

Авыр тери маразлы он айдем

¹¹ Ерусалимге йолланганда Иса Галилея ман Самария арасындағы мажа бойы ман оытип бааятыр эди. ¹² Бир авылда Оны он авыр тери маразлы йолыкты. Олар эректе токталдылар да ¹³ көтеринки тавыс пан: «Насихатшы Иса, бизди языксын!» – деп, кышкырдылар.

¹⁴ Иса оларды көргенде: «Барынъыз да дин куллыкшыларга көррининъиз!» – деди. Олар бааятырып, йолда тазаландылар.

¹⁵ Олардынъ бириси, оyzининъ савартылганын көргенлей, кери кайтты эм күшли давазы ман Аллады данъклап баслады. ¹⁶ Ол Исадынъ аягына йыгылды, Ога разылыгын билдириди. Бу айдем – самарияшы эди.

¹⁷ Сонда Иса: «Аьше, тазалангандар онав туывилма эди? Тогызы ша кайдады? ¹⁸ Тек бу тыс кыралышыдан баска, Аллады данъкламага кайткан болмадыма экен?» – деп сорады. ¹⁹ Ога да: «Тур да бар, сенинъ ыйманынъ сени сав этти», – дегенди айтты.

Алла Патшалыгынынъ келееги акында

²⁰ Бир йол фарисейлер Исадан: «Алла Патшалыгы кашан келеек?» – деп сорадылар.

Иса оларга явап берип: «Алла Патшалыгы сиз ойлаган заманда келмеек. ²¹ Эш бирев де: „Ол булайда“, яде „Ол анда“, – деп айталмас, неге десе Алла Патшалыгы сизинъ аранъызда», – деди.

²² Соң Ол сокталарына айтты: «Аьдем Баласынынъ күнлериинъ тек бириң болса да көргинъиз келеек вакыт етер, ама көрмексиз.

²³ Аьдемлер сизге: „Ол булайда“, яде „Ол анда“, – деп айтаяklар. Барманыз, ызыннан иерменъиз! ²⁴ Неге десе айындырыктынъ йылтыраганы көкти бир кыйырыннан экинши кыйырына дейим ярыклаткандай болыш, Аьдем Улы да Озы келген күнинде солай ок болаяк. ²⁵ Ама алды ман Ол көп азаплардан оytпеге керек эм бу тукым Оны шет какпага тийисли болаяк.

²⁶ Нухтынъ күнлериинде калай болган болса, Аьдем Баласы күнлериинде де солай ок болаяк. ²⁷ Аьдемлер Нух кемеге минген күнгө дейим ашадылар, иштилер, уйлендилер эм киевге

бардылар. Соң дуныяды сув алды эм баърисин де айлек этти.
²⁸ Солай ок Луттынъ күнлериnde де болды. Айдемлер ашадылар, иштилер, сатув-алув эттилер, урлык шаштылар эм уй тузеттилер. ²⁹ Ама Лут Содом каласын калдырыш шыккан күн, көктен ямгыр болыш, от пан көкирт явды эм баърисин айлек этти.

³⁰ Айдем Баласы келген күнинде де тамам солай болаяк.
³¹ Сол күн уйининъ төбесинде болган айдем уй ишиндеги затларын алар ушин тоьменге туспесин эм далада болган да кери кайтпасын.

³² Луттынъ пишесин эснъизге тусиринъиз! ³³ Ким оъзининъ янын куткарувга шалысса, сол оны йояяк: а ким янын йойтса, сол оны сакляяк. ³⁴ Сизге айтаман: сол түндө экев бир орындыкта болаяк: бириси алынаяк, а экиншиси калаяк. ³⁵ Эки кыскаяклы биргэ аслык бастыраяклар; олардынъ бириси алынаяк, а экиншиси калаяк. ³⁶ Эки* айдем далада болар: бириси алынаяк, а баскасы калдыралаяк».

³⁷ «Раббий, бу кайда болаяк?» – деп сорадылар. Иса оларга: «Илес болган ерге кувалдылар да йыйыладылар», – деп яваплады.

*Тул хатын эм ыймансыз кады
акында таварых*

18 ¹Иса тагы да оларга айр вакыт дува этув мен уьмит уъзбей турувдынъ кереги акында таварых айтты: ²«Бир шахарда Алладан да коркпаган, айдемлерден де уялмаган бир кады болган. ³Сол ок шахарда бир тул хатын яшаган эм ол кадыга барыш: „Мени душпанымнан коршаласана“, – деп, тилеп турган.

⁴ Кады бир кесек заманды ога унамай турган, ама сонында ишиннен: „Мен Алладан коркласам да, айдемлерден уялмасам да, ⁵бу тул хатын мага тынышлык бермей турганы ушин оны коршалайым, мени дайым келип бездирмес“, – деп ойлайды».

⁶ Эм Раббий: «Үймансыз кадынын не айтканын эситетсизбе?

⁷ Аьше, Алла күни-туни Ога кышкырып тилек тилеп турган сайлап алганларын коршаламаякпа экен? Оларды көл заман саклатаякпа?

* Бу аят энъ эски текстлерде йок.

⁸ Сизге айтаман: Алла оларды кешиктирмей тез арадан коршалаяк. Тек Айдем Баласы келгенде, сол ерде тагы да ыйманды табарма экен?» – деди.

Фарисей эм ясакшы акында таварых

⁹ Солай ок баскаларга мисетсинмей карап, оъзлерин туврашыл этип санайтаган бирер кавымларга Иса сосы таварыхты айтты:

¹⁰ «Эки айдем Алладынъ уйине дува этпеге бардылар, олардынъ бири фарисей, а баскасы ясакшы болган. ¹¹ Фарисей турады да оъзининъ ишиннен: „Я Алла! Мен баска айдемлердей, йолбасар, арам ниетли, зиналык этувши, яде болса мине бу ясакшыдай болмаганым ушин сага шулькир этемен. ¹² Мен юмада эки кере ораза тутаман эм бүттин алатаган келимнен он кесегининъ бир бөлигин беремен“, – деп дува этеди.

¹³ Ясакшы болса, эректе турып, көкке көзин де көтереалмай, көккиргине сога-сога: „Я Алла, мага, куналиге, языксын!“ – дейди.

¹⁴ Сизге айтаман: «Фарисейден эсе сосы айдем (Алла алдында) туврашыл саналып уйине кайткан, неге десе оъзин-оъзи көтерувши айр ким тоъменленеек, а оъзин-оъзи тоъменлетьувши көтерилеек».

Иса эм балалар

¹⁵ Исага, колын тийгистсин деп, яс балаларды да айкелетаган эдилер. Сокталар оны көргенде оларды тыйып басладылар.

¹⁶ Ама Иса балаларды оъзине шакырып: «Балалар Мага келсинглер, оларды тыйманызы, Алла Патшалыгы сондайларга багысланган. ¹⁷ Сизге дурысын айтаман: Алла Патшалыгын баладай кабыл этпеген айдем ога бир заманда да кирмеек».

Бай басшы

¹⁸ Басшылардынъ бириси Исадан: «Огырлы Устаз, оъмирлик яшавды алар ушин мага не этпеге керек?» – деп сорады.

¹⁹ Сонда Иса ога: «Мага Огырлы деп неге айтасынъ? Бир Алладан баска эш бирев де огырлы туыл. ²⁰ Сен парызларды билесинъме? „Зиналык этпе“, „Айдем оълтирме“, „Урлама“,

„Ялган шаатлык берме“, „Ата ман анады оърметле“», – деп айтты.

²¹ А ол болса: «Мен олардынъ баярисин де яслыгымнан саклайман», – деп яваплады.

²² Муны эситкенде, Иса ога: «Сага энди де бир зат етиспейди: не затынъ бар болса, сонынъ баярисин сат та пакырларга улестир, сонда көктө карызна табарсынъ. Оннан соң Меним ызымнан кел», – деди.

²³ Ол болса, муны эситип, мыдахланды, неге десе бек бай эди.

²⁴ Иса, онынъ мыдах болганын көрип, айтты: «Байлыгы болганларга Алла Патшалыгына кирмеге калай кыйын! ²⁵ Неге десе бай айдемге Алла Патшалыгына киргеннен эс, туьеге ийне көзиннен оьтув енъилирек».

²⁶ Муны эситкенлер: «Аьше, ол заманда ким кутылар экен?» – деп сейирсиндилер.

²⁷ Ама Ол: «Айдемлер болдыралмаганды, Алла болдырар», – деди.

²⁸ Соң Ога Петер: «Мине биз болган затымызды калдырып, Сенинъ артынънан ызладык», – дегенди айтты.

²⁹ Ога Иса: «Сизге дурысын айтаман: Алла Патшалыгы ушин юртын, ата-анасын, ага-инилерин, айпели-синъилиерин, пищесин, яде балаларын калдырган айр ким, ³⁰ бу заманда болганыннан бир неше кат көбирек, келеек оъмирде де оъмирлик яшавды табаяк», – деп яваплады.

*Иса оълип тирилеегин
ушинши кере билдиреди*

³¹ Иса он эки соктасын бир янына айкетип: «Мине сөле биз Ерусалимге барайтырмыз эм онда Айдем Баласы акында пайхамбарлар язганларынынъ баяриси де толтырылайк. ³² Оны баска миллетлерге тапшыраяклар эм олар Оны маскара этип, корляяклар, Ога түккитееклер, ³³ Оны камшылаяклар эм оълтирееклер; аман да Ол ушинши күнинде тирилеек», – деди.

³⁴ Ама сокталары бу соъзлердинъ бирин де анъламадылар: олардан бу соъзлердинъ маънеси ясырынган эди, олар айтылгандарга тусинмедилер.

*Ериходынъ касында сокыр
ярлыдынъ савартылувы*

³⁵ Иса Ерихо калага ювыклаган эди. Сол вакытта йолягада олтырган бир сокыр садака тилейтаган эди. ³⁶ Ол касыннан айдемлердинъ озыш бааятырганын эситип, не зат болатаганын сорады.

³⁷ Ога: «Назаретши Иса озып бааятыр», – деп билдирилер.

³⁸ Сонда ол: «Даут Улы Иса! Мени языксын!» – деп кышкырды.

³⁹ Алдыда бааятырганлар оны тыйиш, бакыртпаска шалыстылар, ама ол тагы да күшслирек: «Даут Улы, мени языксын!» – деп кышкырыклады.

⁴⁰ Иса токталды да сол айдемди янына келтирмеге буйырды. Сокыр Онынъ касына келгенде, Иса оннан: «Мен сага эткендей не затты тилейсинъ?» – деп сорады.

⁴¹ «Раббий! Меним көргим келеди», – деди.

⁴² Иса ога: «Көзлериң ашылсын! Үйманынъ сени сав этти», – деди. ⁴³ Айдемниң сол саяатлей көз көрүви кайтты эм ол, Аллады даньклап, Исадынъ ызыннан иерди. Буютин халк муны көргенде, Аллады мактап баслады.

Ясакшы Закай

19¹ Соң Иса Ерихога кирип, онынъ иши мен оьтип бааятыр эди.

² Онда ясакшылардынъ басшысы, Закай атлы бай айдем бар эди. ³ Ол Исады көрмеге эм Онынъ ким экенин билмеге шалысты, тек бойы маштак болган себепли, Оны айдемлер арасыннан көреалмады.

⁴ Соңда ол, Исады көрөр уьшин алдыга шабып барып, Иса онынъ касыннан озаяк йол уьстинdegи кийик ынжыр терекке минди. ⁵ Иса сол ерге еткенде, йогарыга карап, оны көрди де ога: «Закай, тез болыш тус, буыгүн Мага сенинъ уйинъде конак болмага тийисли», – деди. ⁶ Закай тез болыш туссти эм, куваныш, Исады уйине кабыл этти.

⁷ Оны көргенлердинъ баьриси де разы болмай, куналидинъ конагы болды деп, соъз этип басладылар.

⁸ Закай болса, турып, Раббийге: «Мен соъле мулькимниң яртисин пакырларга ульестирейим. Эгер дейим биревди бир зат

пан алдаган болсам, ога дөйрт кабат арттырып берейим!» – дегенди айтты.

⁹ Иса: «Бұғын бу юртка да куткарылув келди, неге десе бу айдем де Ибрагимнинъ улы. ¹⁰ Айдем Баласы йойтылғанды таппага эм куткармага келген, сайсы», – деди.

Он күмис мина ақында таварых

¹¹ Иса Оны тынълаганларга бир таварых косып айтты. Ол энди Ерусалимге ювыклап келген эди эм халк, тез арадан Алла Патшалығы ашылаяк деп, саклай эди. ¹² Иса булай айтты: «Аксуек асылыннан бир айдем оғзине патшалыкты алып кайтаяк болып, узак қыралға йолланаятыр эди. ¹³ Кетеектен алдын ол, оғзининъ он кулын шакырып, оларға он күмис мина* берди де: „Мен кайтканша, бу акшады сағделикке йиберінъиз“, – деди.

¹⁴ Ама сол қыралдынъ айдемлери оны қоюрип болмайтаган эдилер эм ызыннан элшилер йиберип: „Бу айдемнинъ бизге патша болып келгенин сұймеймиз“, – деп айттырдылар.

¹⁵ Ол патша болғанда, кайтып келип, ким кайдай келим түсиргенин билер ушин, акша тапшырган кулларын шакыртты.

¹⁶ Бириңи кулы келип: „Ием, сенинъ бир күмис минаң он кайта қоюп келим келтирди“, – деп билдириди.

¹⁷ „Айперим, сен яхшы кулсынъ. Сен кишкей затта сенимли болғанынъ ушин, он шахарды иеликке оғзинъе ал“, – деп айтты.

¹⁸ Экінши кулы келип: „Ием, сенинъ бир күмис минаң бес кайта оғсан“ – деди.

¹⁹ Ол оға да: „Сен бес шахарга басшылық эт“, – деди.

²⁰ Соң ушинши кулы келип: „Ием, мине сенинъ акшань. Мен оны, явлықка түйип, сакладым. ²¹ Сен каты айдем болған себепли, мен сеннен корктым: салмаганынъды аласынъ, шашпаганынъды орасынъ“, – деди.

²² Соңда иеси оға: „Эй, сен, яман кул! Мен сенинъ соызлеринъ мен сени шұшинъе еткерермен! Соны ман, сен меним каты айдем экенимди, салмаганымды алувымды, шашпаганымды орувымды биле эдинъме? ²³ Айше, сен не ушин меним күмисимди сағдегерликке, хайыры ман кайтарар ушин, йиберме-

* Мина: Исадынъ заманында исшидинъ 100 күнлик кыйын ағы.

динъ?“ – деди. ²⁴ Соннан сонъ ол янында турганларга: „Оннан күмис минады алышыз да он минасы болганга бериңиз“, – дегенди айтты.

²⁵ Олар: „Ием! Онынъ онсыз да он минасы барды да!“ – дедилер.

²⁶ Ол: „Мен сизге айтаман: Бир заты болган айр кимге оннан да көп берилер, ама бир заты болмаганин азы да тартып алышар. ²⁷ Меним оларга патша болгымды унамаган душпанларымды мунда айкелиңиз, меним алдымда кылыш пан ойлтириңиз“», – дегенди айтты.

Иса Ерусалимге киреби

²⁸ Сол соьзлерди айтканнан сонъ, Иса олардынъ алдында барыш, Ерусалимге ювыклап келди. ²⁹ Зейтун тавы деп аталатаган тавдынъ этегинде орынласкан Бетпагей мен Бетхиний эллэрge янасып келгенде, Ол Оъзининъ сокталарынынъ экисин, булагай айтып, йиберди:

³⁰ «Алдынагы элге барыңыз. Онда киргенлей, бир заманда да уьстине эш бир айдем де минмеген, байланыш турган яс эшекти табарсыз; оны шешип, мунда алыш келиңиз. ³¹ Эгер ким де болсын бирев сизден: „Неге шешесиз?“ – деп сораса, – „Ол Раббийге керек“, – деп айтарсыз».

³² Йиберилгенлер барып, эм Ол айтканша таптылар. ³³ Олар яс эшекти босатаятканда, онынъ иелери: «Оны не ушин шешип аласыз?» – дедилер.

³⁴ Олар: «Ол Раббийге керек», – деп явапладылар.

³⁵ Сонъ оны Исага алыш келдилер де, кийимлерин эшекке атып, онынъ уьстине Исады миндирдилер. ³⁶ Ол атланыш барган заманда, айдемлер кийимлерин йол уьстине ятаган эдилер. ³⁷ Иса Зейтун тавыннан төмөн түскен йолга янасканда, көп санлы сокталары шатланыш, көтеринки йогары тавыста оъзлери көргөн баяри күдиретли ислер ушин Аллады мактап: ³⁸ «Раббийдинъ аты ман келеятырган Патша наьсипли болсын! Аспанда – тынышлык, Энъ Бийиктегине – данък!» – дедилер.

³⁹ Сонда халк арасында болган фарисейлердинъ кайбирлери Исага: «Устаз! Сокталарынъды тый!» – дедилер.

⁴⁰ Ама Иса оларга явал этип: «Сизге айтаман, олар тынып калсалар, таслар кышкыраяклар», – деди.

Иса Ерусалим ушин йылайды

⁴¹ Иса калага ювыклап келгенде, ога карап, онынъ ушин йылады.

⁴² «Ай, эгер буыгүн сенинъ тынышлыгынъа не зат ярасатаганын билсөнъ экен! Ама бу зат энди де сенинъ көзлеринънен тасада,

⁴³ неге десе сага сондай куынлар келееклер, ол заманда сенинъ душпанларынъ тоыгерегинънен эндеклер казып, сени курсап алаяклар эм айр тараптан да кыстаяклар. ⁴⁴ Сени шашаяклар эм ишинъдеги балаларынъды оылтирееклер, сенде тас уьстинде тас та калдырмаяклар, неге десе Алладынъ сага ярдам этпеге келген вакытын билмедиң», – деди.

Иса Алла уйинде

⁴⁵ Соңы Иса Алладынъ уйине кирип, онда сатув-алув этувшилерди кувып, шыгарып баслады. ⁴⁶ Оларга: «„Меним уйим дува этув уйи“, – деп язылган, а сиз оны йолбасарлар отанына айландыргансыз», – деди.

⁴⁷ Иса айр куын сайын Алла уйинде уйрететаган эди. Бас дин куллыкшылары болса, дин альимлери эм де халктынъ басшылары Оны оылтирмеге колайлыш айл излейтаган эдилер. ⁴⁸ Аман да олар амал табалмадылар, неге десе буытин халк, таймастан, Онынъ соызлерин тынълай эди.

Исадынъ бийлиги акында сорав

20 ¹ Куынлердинъ бирисинде Иса Алладынъ уйинде халкты уйретип эм Ийги Хабарды айтып турганда, Онынъ касына халк аксакаллары ман бирге бас дин куллыкшылары эм дин альимлери келдилер де ² Оннан: «Бизге айттагы, эткенлеринъди кайсы иелик пен этесинъ, яде ондай иеликти Сага ким берген?» – деп сорадылар.

³ Оларга явапка бурай айтты: «Мен де сизден бир затты сорайым, Мага айтынъыз: ⁴ Яхъядынъ сувда шомылдырып тазаландырувы көктен түстиме, яде айдемнен ме?»

⁵ Олар болса, оыз ара ойласа келип: «Эгер „Көктен“, – десек, Ол: „Аьше, сиз ога неге ыйнанмадынъыз?“ – деп айттар. ⁶ А эгер „Айдемнен“, – десек, буытин халк бизди тас пан сыбалар,

неге десе олар Яхъя пайхамбар экенине ыйнанадылар», – дедилер.

⁷ Сонында олар: «Биз кайдан экенин билмеймиз», – деп явапладылар.

⁸ Иса да оларга: «Мен де эткенлеримди кайсы иелик пен этетаганымды сизге айтаяк тувылман», – деди.

*Яман юзим оьстирувшилер
акында таварых*

⁹ Оннан соң Иса халкка бу таварыхты айтып баслады: «Бир айдем юзим бавын олтыртады эм оны юзим оьстирувшилерге кулланмага береди. Оъзи, болса, узак заманга йок болып кетеди. ¹⁰ Емис йыюв вакыты еткенде, бавдынъ юзиминнен уълисин йиберсинглер деп, кулын юзим оьстирувшилерге йибереди; тек олар кулын төбелец, бир затсыз артына кайтарадылар. ¹¹ Тагы да баска бир кулын йибереди, ама олар оны да, төбелец эм корлап, бир затсыз артына кайтарадылар. ¹² Ол яне ушиншичин йибереди, тек олар оны да яралап, кувып шыгарадылар.

¹³ Сонда юзим бавдынъ иеси: „Мен не этейим экен? Суьйикли улымды йиберейим, белки, оны көрүп, уялып коярлар“, – дейди.

¹⁴ Ама юзим оьстирувшилер, ясты көрүп, оъз ара: „Бу асаба калымжы иеси; юринъиз, оны оылтиреек, эм онынъ асаба мульки бизики болар“, – деп кенъеседилер. ¹⁵ Эм оны бавдан шыгарып алып оылтиредилер.

Энди олар ман юзим бавынынъ иеси не этер экен? ¹⁶ Ол келер де сол юзим оьстирувшилерди оылтирер, юзим бавын баскаларга берер». Муны тынълаганлар: «Олай болмас!» – дедилер.

¹⁷ Иса, десенъ, оларга тигилип карап, айтты: «„Курувшилардынъ яравсыз деп тасланган тасы мекан туыптынъ бас тасы болган“, – деп язылган не затты анълатады? ¹⁸ Сол тастынъ уьстине йыгылаяк айр ким шашылар, а кимниң уьстине сол тас түссе, оны эзер».

¹⁹ Сол вакытта дин альмлери эм бас дин куллыкшылары, Иса бу таварыхты олар акында айтканын анълап, Оны тутув амалын излей эдилер, ама халктан корктылар.

Кесардикин кесарге беринъиз

²⁰ Исады сынап, кайдай болса да бир соьзинде терислиktи тапкандай эм, терислиktи табып, Оны тутып, тоьрединъ кара-рына эм колына бергендей, туврашыл болып кылпысыган, тилши аьдемлерди йибердилер. ²¹ Олар Исадан сорадылар: «Устаз! Биз Сенинъ дурыс сойлевинъди эм уйретувинъди, биревдинъ хайтерине карамайтаганынъды эм Алладынъ туз йолына уйретувинъди билемиз.

²² Кесарге ясакты тоьлейтаганымыз тийислиме, яде тийисли тувылма?»

²³ Иса, болса, олардынъ айлежигенлерин анълап, айтты:

²⁴ «Мага бир динар көрсетинъиз: сонда кимнинъ сувверти эм кимнинъ аты язылган?»

Олар: «Кесардик», – деп явапладылар.

²⁵ Сонда Ол: «Солай болса, кесардикин кесарге, а Алладыкын Аллага беринъиз», – деди.

²⁶ Олар Онынъ халк алдында айтатаган соьзлеринде ябыскандай зат табалмадылар эм, Онынъ явабына сейирсинип, тындылар.

Тирилуъв акында сорав

²⁷ Оъликлердинъ тирилееклерине ыйнанмайтаган садукейлердинъ кайбирлери келдилер эм Исадан сорадылар: ²⁸ «Устаз! Муса (Тауратта) бизге: „Эгер биревдинъ пишли кардашы балалары болмай оылсе, ол тул калган хатынды алып, кардашы ушин тукым тувдырсын“, – деп язган. ²⁹ Ети кардаш болганлар: солардынъ биринчиси пише алады да, баласыз оълип кетеди. ³⁰ Сол хатынды экинчиси ³¹ эм* ушинчиси алады, сондай болып етисининъ баъриси де, бала калдырмай, оъледилер. ³² Баърисиннен соң хатын да оъледи.

³³ Солай болганда, кыямет күнинде ол кайсысынынъ пишеси болаяк экен? Неге десе ол етевининъ де хатыны болган».

³⁴ Иса оларга явап этип айтты: «Бу оъмирдинъ аьдемлери уйленедилер, киевге де шыгадылар. ³⁵ Келеек оъмирге этип,

* Бир кесек текстлерде: «Сол хатынды экинчиси алады эм ол да баласыз оъледи. Оны ушинчиси алады».

оълген ериннен тирилмеге тийисли деп саналганлар болса, не уйленмееклер, не де киевге шыкпаяклар.³⁶ Эм энди оълмеге де болалмайдылар, неге десе олар, майлеклердей, тирилген аьдемлер болып, Алладынъ балалары боладылар.³⁷ А оългенлердинъ тирилувви ушини мен де болаягын Муса көгем куваклыктынъ акында язган бойлигинде коърсеткен. Онда Муса Раббийди: „Ибрагимниң Алласы, Исхактынъ Алласы эм Якуптынъ Алласы“, – деп атаган.³⁸ Алла оълилердинъ Алласы туывыл, ама Ол тирилердинъ Алласы эм Ога баяриси де тири!»

³⁹ Дин аьлимлерининъ бирерлери Ога: «Устаз! Сен ийги явал бердинъ», – дедилер. ⁴⁰ Оннан соң Исага эш бирев де сорав бермеге батпады.

Даут Улы акында сорав

⁴¹ «Масих – Дауттынъ Улы деп, неге айтадылар?» – деп сорады соң Иса. ⁴²⁻⁴³ «Даут оъзи айли Забур китабинде: „Раббий меним Бийиме: душпанларынъды Сенинъ аягынъ астына салганга дейим, Меним онъ кол ягыма олтыр, деп айткан“, – деп язады. ⁴⁴ Солай болганда, эгер Даут Оны Бий деп атайтаган болса, сонда Ол Дауттынъ Улы калай болады?»

⁴⁵ Бұтын халк тынълаган вакытта, Иса сокталарына айтты:

⁴⁶ «Узын кийимлер кийип юрмеге сүветаган, майданларда салам алмага, синагогларда энъ алдыда, тойда тоърде олтырмага сүйген дин аьлимлериннен сакланынъыз. ⁴⁷ Олар тул хатынлардынъ уйлерин тонап, айлежип узак дува этедилер. Ондайлар катырак шұышлерине еткерилееклер».

Тул хатынның садакасы

21 ¹Иса Алладынъ уйининъ карызна сандыгына савгаларын салувшы байларды коърди. ²Солай ок онда каърип тул хатынның эки кишкей ез каъпикти салганын да коърди. ³«Дурысын айтаман сизге, мине бу ярлы тул хатын баярисиннен де коъбиrek салды. ⁴Неге десе баяриси де оъзлерининъ артыклыгыннан Аллага бойлек этедилер, а бу хатын, болса, колайсызлыгыннан оъзининъ баъри болган азыгын да салды», – деди.

Ахырзаман ақында

⁵ Кайбиревлер, Алладың уйи баалы таслар ман, савгалар ман ярасыкланган деп, сойлегенде, Иса айтты: ⁶ «Сиз мунда көрген баьри затлардан тас уьстинде тас та калмаяк күнлөр келееклер; баьриси де шашылаяк».

⁷ Оннан сорадылар: «Устаз, ол кашан болаяк экен? Эм оның кашан болаягын билдиреек кайдай белги болар?»

⁸ Иса: «Сак болынъыз, сиз янъылыска түсип калманъыз, неге десе көплөр Меним атым ман келееклер: „Мен – Масихпен“, яде „Ол вакыт энди ювық“, – деп айтаяклар. Ондайларга иерменъыз.

⁹ Согыслар эм козгалыслар ақында эситсөнъыз, коркпанъыз, неге десе булар алдыда болмага тийисли, ама баьрининъ ахыры сонда ок болмаяк».

¹⁰ Тагы да оларга айтты: «Халк халкка, патшалық патшалыкка карсы көтерилееклер. ¹¹ Ер-ерлерде күшли ер сенъкилдевлер, ашлық эм оьлетлер, көктен коркынышлы көринувлөр эм уллы белгилер болаяклар.

¹² Бу затлардың баьрисиннен алдын, Меним атым ушин, сизди ыслаяклар, артынъыздан калмай кыйнаяклар, синагоглар ман тутнакларга тапшырып, патшалар ман төрелердинъ алдына айкетееклер. ¹³ Ол шаатлық этер заманынъыз болаяк. ¹⁴ Соны ман, көнъилинъызге салып койынъыз: оъзимизди кайтип коршалармыз деп эртерек ойланманъыз. ¹⁵ Неге десе Мен сизге соыз усталыгын да, акыллылыгын да берермен, сизинъ душпанларынъыздынъ бири де ога не карсы туралмас, не де карсы соыз айтаялмас. ¹⁶ Сизди ата-аналарынъыз да, ага-инлеринъыз де, кардашларынъыздосларынъыз да сатарлар, эм кайбиревлеринъизди оълтирилер. ¹⁷ Меним атым ушин сизди баьриси де көрип болмаяклар. ¹⁸ Тек сизинъ басынъыздан бир шаш түгі де түспеек. ¹⁹ Шыдамлыгынъыз бандынъызды куткаарсыз.

Ерусалимниң келееги ақында

²⁰ Ерусалимди айкерлер курсал алғанын көргенинъизде, оның шашылув заманы еткенин билинъыз. ²¹ Ол шакта Юдеяда болғанлар тавларга кашсынлар, каладагылар оннан шыксынлар, төгерегинде болғанлар онда кирмесинлер. ²² Неге десе булар

Алла халкын язалајк, язылганлардың барьиси де толтырылајк күнлөр болаяк.

²³ Сол күнлөрде бала эмисткен эм авырајаклы хатынларга бек кыйын болаяк. Бу кырал уйкен кыйынлык шегеек эм Алладың ашувы бу халкка түссеек. ²⁴ Кылыштың оytкирлигиннен йыгылајклар эм есирге ақетилип бүтин миллетлерге таралтылајклар. Ерусалим баска миллетлер мен тапталаяк эм сондай болып, олардың заманы озганша, турајк.

*Аьдем Баласының (Исадының)
келүви кайдай болаяк*

²⁵ Күнде, айда, юлдызларда коркынышлы белгилер болаяк, а ер уьстинде халклар кыйналыш, толкынласып гурилдеген тенъизден корккандай болаяклар. ²⁶ Дуныяга келеек альеклерди саклавдан эм коркувдан аьдемлердинъ янлары шыгаяк, неге десе көктиң затлары* силкинеек. ²⁷ Сонда булыт ишинде уллы күдирети, данькы ман келеятырган Аьдем Баласын көрееклер. ²⁸ Сол затлар болып басланган заманда, турыныз да, басларынызды көтеринъиз, неге десе куткаралувиныз ювыклап келеятыр».

БІнжыр теректинъ дериси

²⁹ Эм Иса оларга сосындай таварыхты айтты: «БІнжырга эм барьи тереклерге каранызы. ³⁰ Олар япырак ярып баслаганда, сиз оны көрүп, энди яздың ювыклаганын сезесиз. ³¹ Сойтип, сиз де сол затлардың болаятырганын көргенде, Алла Патшалыгы ювыклаганын билинъиз. ³² Дұрысын айтаман сизге: сол затлардың барьиси де болганга дери бу тукым озбаяк. ³³ Көк пен ер йогалып кетерлер, тек Меним соьзим йогалып кетпес.

³⁴ Озинъизге сак болынъиз, юреклеринъиз көп ашап, ишип-эсиргеннен эм яшав кәрриннен авырмасынлар эм де ол күн сизге күтпегенлей келип калмасын. ³⁵ Неге десе ол күн ер уьстинде яшавшылардың барьисин де тузактай келип тутаяк.

³⁶ Соның ушин, айр заман сак болынъиз эм болаяк бүтин бу кыйынлыктардан кутылмага эм Аьдем Баласы алдында турмага тийисли болар ушин дува этинъиз».

* Көктиң затлары: ай, күн, юлдызлар.

³⁷ Күндиз Иса Алладынъ уйинде уйрететаган эди, а түнлериң каладан шыгып, Зейтун тавда озгаратаган эди. ³⁸ Эртең сайын халк Оны тынъламага Алладынъ уйине йыйылатаган эди.

Юда Исады сатады

22 ¹ Пасха деп аталатаган ашшымаган оytпеклер байрамы ювыклай эди. ² Бас дин куллыкшылары эм дин альимлери Исады кайтип болса да йок этув амалын излестиretаган эдилер, тек халктан корктылар.

³ Он экидинъ бириси болган, Искариот аталган Юдага шайтан кирди.

⁴ Ол бас дин куллыкшылары ман Алла уйининъ каравыл басшыларына барып, Исады оларга калай ыслатаягын сойлести. ⁵ Олар кувандылар эм ога акша бермеге разылыгын билдирилдер. ⁶ Юда соъз берди эм, халк болмай, Исады оларга ыслап берер ушин онъайлыш вакыт излестирип баслады.

Пасха асы

⁷ Курман (козыды) шалмага тийисли болган, ашшымаган оytпеклер куьни етти. ⁸ Эм Иса: «Барынъыз, бизге ашарга Пасха асын азирленъиз», – деп, Петер мен Яхъяды йиберди.

⁹ Олар Ога: «Асты каерде азирлемеге буйырасынъ?» – деп сорадылар.

¹⁰ Иса: «Сиз калага кирсөнъиз, шоylmek пен сув алыш бааятырган аьдемгэ йолыгарсыз. Онынъ артыннан барынъыз да ол кирген уйге киринъиз. ¹¹ Сонда уй иесине: „Устаз сеннен: сокталарым ман Пасха асын ашамага болаяк бойлме кайсыды? – деп сорайды“, – дегенди айтарсыз. ¹² Эм ол сизге йогарыда ярастырылган уйкен бойлмеди коърсетер, сонда байри затты да азирлерсиз», – деди.

¹³ Олар кеттилер де, ар неди де Иса оларга айтканша табыш, Пасха асын азирледилер.

¹⁴ Заманы еткенде, Иса элшилери мен бирге сыйыра янына орынласты. ¹⁵ Оларга: «Мен азап шегеегимнен алдын сосы Пасха асын сизи мен бирге емеге бек сүье эдим. ¹⁶ Сизге айтаман: Энди ол Алла Патшалыгында толы маънесине еткенге дери Мен оны ашамаякпан».

¹⁷ Соңы Иса аякты алыш, дувасында ога шүкир этип: «Мұны алынъыз да оyz ара ульесинъиз. ¹⁸ Неге десе, Алла Патшалығы келгенге дейим, Мен энді юзим емисининъ сувын ишпекпен деп, сизге айтаман», – деди.

¹⁹ Соңы оytпекti алыш, шүкир этип, сындырды да: «Мұнавы сизинъ ушин берилген шаркым болады; оны Мени эсинъизге туысирер ушин ашанъыз», – деп, сокталарына узатты.

²⁰ Кешки астан соңы аякты алды да: «Мұнавы сизинъ ушин төгилген Меним каным ман бегитилген яныы антласув», – деди.

²¹ «Эм мине Мени сататаганнынъ колы Меники мен бирге сыпырада.

²² Олай болса да, Айдем Баласы, Ога белгиленгендай, кетеди, тек Оны сатаяк айдемге – кайғы!»

²³ Эм олар: «Бизим арамызда ол затты кайсымыз этер экен?» – деп, бири-бириннен сорап басладылар.

Ким энъ уйкен?

²⁴ Олар арасында кайсымыз энъ уйкен деп саналмага болаяк деген эрисуыв шыкты. ²⁵ Сол заманда Иса айтты: «Патшалар халкларга бийлик этедилер эм басшылық этувшилер де ийгилик этувшилер деген атты юргистедилер. ²⁶ А сиз олай болманъыз. Керисинше, сизинъ араныздагы энъ уйкенинъиз кишкей болмага керек эм басшылық эткен де, кулдай, болсын. ²⁷ Неге десе ким уйкен: сол сыпыра янында олтырганма, яде ога кылынатаганма? Олтырган туылма? А Мен сизинъ аранызды кулдайман. ²⁸ Олай болса да, сиз Мени мен баъри кыйынлықларымда да бирге болгансыз. ²⁹ Мен де сизге, оны Мага Атам бергендей этип, Патшалыкты беремен.

³⁰ Патшалығымда Меним сыпырамнан ашарсыз-ишерсиз эм де, Исраилдинъ он эки тукымына төрешилик этип, такта олтырарсыз», – деди.

Петердинъ кайталаяғынынъ билдирилуви

³¹ «Шимон, Шимон! Шайтан сизди, бийдайды элегендай этип, элемеге сүйген эди. ³² Ама Мен, ыйманынъ кемимесин деп, сенинъ ушин дува эттим. Эм сен (Аллага) кайтыш келгенде, тувганларынъда да ыйманды бегит», – деди Иса.

³³ Петер Исага: «Раббий! Мен Сени мен тутнакка да, оълмеге де аьзирмен», – деп яваплады.

³⁴ Ама Ол: «Петер, сага айтаман, буыгүн кораз кышкырганша сен, танымайман деп, Меннен уш кере артка кайталаяксынъ», – деди.

³⁵ Сонында Иса: «Мен сизди бокшасыз, артпаксыз, машпаксыз йиберген заманда, бир заттан болса да етиспевликлер сездинъизбе?» – деди.

«Эш бир заттан да болмады», – деп, явап бердилер сокталары.

³⁶ Сонда Иса: «Ама энди бокшасы болган оны алсын, артпагын да алсын; а кимде йок болса, сол ямшысын сатып, кылыш алсын.

³⁷ Сизге айтаман: „Ол кынатшыларга саналды“, – деп язылган соызлер, Меним уystимде толтырылаяк. Неге десе Меним акымда язылганлар ахырына келеятырлар», – деди.

³⁸ Сокталар Ога: «Раббий! Мине мунда эки кылыш бар», – дедилер.

Иса оларга: «Етер!» – деди.

Иса Зейтун тавда

³⁹ Соң Иса шыгып, аьдетинше, Зейтун тавга кетти; Оны ман бирге сокталары да бардылар. ⁴⁰ Онда барып еткенлей, Иса оларга: «Азгырувга түсип олтырmas уьшин дува этинъиз», – деди. ⁴¹ Оъзи де, олардан тас атым кайдер шетке кетип, тизиннен шоьгип: ⁴² «Эй, Атам! Эгер Сен ийги коърсенъ, бу аякты* Меннен эрек аькет, аман да Мен излегендей болмай, Сенинъ буйырыгынъ толсын», – деп тиледи.

⁴³ Сол вакытта, Исадынъ янына коқтен майлек келип, Ога куват берди. ⁴⁴ Яны кыйналғанлыктан, Иса мукаятланып тилек тиледи эм Онынъ тери, кан тамшыларындай болып, ерге тамдылар.

⁴⁵ Тилек этүв орнынан турып, Иса сокталарына келгенде, олардынъ кайгырувдан уйклап ятканын коърди. ⁴⁶ «Неге уйклийсыз? Турынъыз эм азгырувга түспес уьшин дува этинъиз», – деди.

* Аяк мунда азаплыктынъ символы.

Исадынъ ысланузы

⁴⁷ Иса сойлеп турганда, бир көп кисилер келдилер, олардынъ алдында он экидинъ бириси Юда келе эди. Ол Исады оьбер* ушин янына келди. ⁴⁸ Иса, болса, ога: «Юда! Аьдем Баласын оьбуыв мен сатасынъма?» – деди.

⁴⁹ Исадынъ янында болганлар, истинъ кайда барганын көрип, Ога: «Раббий! Кылышты алаякпа?» – деп сорадылар. ⁵⁰ Эм олардынъ бириси, бас дин куллыкшынынъ кулын согып, онынъ онъ кулагын кесип тусирди.

⁵¹ Сонда Иса: «Бу затты койынъыз, токтанъыз!» – деди де, кулдынъ кулагына колын тийгистип, сав этти.

⁵² Иса Озин аькетпеге келген бас дин куллыкшыларга, Алла уйининъ каравыл басшыларына эм аксакалларга айтты: «Йолбасарды тутпага шыккандай, сиз (Мени ысламага) кылыш, казык көтерип келгесиз! ⁵³ Мен айр куын сайын сиз бен бирге Алладынъ уйинде болатаган эдим эм сиз Мага кол көтермединъиз. Ама энди сизинъ заман, каранъалык бийлеген кезув», – деди.

Петердинъ Исадан артка кайталавы

⁵⁴ Соннан соң олар Исады тутып бас дин куллыкшынынъ уйине алып келдилер. Петер бираз артта калып ызыннан барды.

⁵⁵ Карадынъ ортасында йыйылганлар, от ягып, баъриси бирге олтырганда, Петер де олардынъ арасына кирип олтырды.

⁵⁶ Бир таъвке хатын Петердинъ от янына олтырганын көрди де, ога тигилип карап: «Бу аьдем де Оны ман бирге эди», – деди.

⁵⁷ Ама Петер: «Хатын, мен Оны танымайман», – деп, Исадан артка кайталады.

⁵⁸ Бираздан соң баска бирев оны көрип: «Сен де олардансынъ», – деди.

Ама Петер: «Тувылман, эй, аьдем!» – деди.

⁵⁹ Бир саът кадер заман оytкенде, тагы да олардынъ бириси: «Ушини мен де, бу да Оны ман бирге эди, неге десе ол – галилеяшы», – деп, катырып айтты.

* Бир кесек текстлерде сосы соызлер косылган: «Неге десе оларга: „Мен кимди оьпсем, Сол (Иса) болаяк“, – деген белгиди берген эди».

⁶⁰ Ама Петер: «Эй, айдем, мен сенинъ не зат айтатаганынъды анъламайман», – деди. Сол саятлей, сосы соызлерди айтаятырганда, кораз кышкырды. ⁶¹ Сол заманда Раббий, бурылып, Петерге карады, Петер де Раббийдинъ ога: «Кораз кышкырганша, сен Меннен уш кере артка кайталаяксынъ», – деп айткан соызлерин эсине тусирди.

⁶² Петер тыска шыгып, ойксип йылады.

⁶³ Исады ыслап турган айдемлер, Оны маскарапал, төбелей эдилер. ⁶⁴ Онынъ көзлерин байлап*, Оннан: «Пайхамбар, сени ким сокты, айт», – деп сорайтаган эдилер. ⁶⁵ Олардан баска да көп яман соызлер айтып, Оны маскарападылар.

Иса Уллы Кенъес алдында

⁶⁶ Танъ атканда, халктынъ аксакаллары, бас дин куллыкшылары эм дин айлимлери йыйылдылар эм Исады оъзлерининъ Уллы Кенъесине альш кеттилер. ⁶⁷ Эм айттылар: «Бизге айт, Сен Масихсинъ ме?»

Иса оларга: «Эгер сизге айтсан, сиз ыйнанмассынъыз. ⁶⁸ Эгер сизден сорасам да, сиз Мага явапламаяксыз эм Мени босатпаяксыз.

⁶⁹ Эндиден арбатын Айдем Баласы күйдиретли Алладынъ онъягинда олтыраяк», – деди.

⁷⁰ Сонда баъриси Ога: «Соны ман, Алладынъ Улы сенсинъ ме?» – дедилер.

Иса оларга явапка: «Сиз айткандай, Менмен!» – деди.

⁷¹ Олар, болса: «Бизге энди тагы да кайдай шаатлык керек? Биз оъзимиз Онынъ авызыннан эситтик», – дедилер.

Иса урым тоъреси Пилат алдында

23 ¹ Йыйылганлардынъ баъриси көтерилип, Исады Пилат алдына альш келдилер. ² «Ол бизим халкымызга бузғынлык салады, Ол кесарьге ясак бермеге коймайды, Оъзине де Масих Патша дегенди айтады», – деп, Исады шұвшлеп басладылар.

* Байлап: бир кесек текстлерде «байлап, бетине сога берип».

³ Пилат Оннан: «Сен Жуыт Патшасысынъма?» – деп сорады. Ога яваплап: «Сен айткандай», – деди.

⁴ Пилат бас дин куллыкшыларына эм халкка: «Мен бу Кисидинъ бир терислигин де таптайман», – деди.

⁵ Ама олар: «Ол, Галилеядан баслап булайга дейим, бұтын Юдеяда окувын яйып, халқты козгайды», – деп кадалдылар.

⁶ Пилат Галилея дегенлерин эситкенлей: «Ол Галилеяданма?» – деп сорады. ⁷ Исадынъ Иродка бойсынган ериннен болғанын билгенде, Пилат оны Иродка йиберди. Сол күнлөрде Ирод оьзи де Ерусалимде эди.

⁸ Ирод, Исады көреп, бек шатланды, неге десе ол көптен бери Оны көреек болып, Оннан бир альмет көрермен, – деп уымитленди.

⁹ Ол Исага көп соравлар берди, тек Иса ога бир зат та айтпады.

¹⁰ Сонда болған бас дин куллыкшылары эм дин альмлери, болса, барьи күшлерин салып, Исады терислемеге шалыстылар. ¹¹ Ирод оьзининъ аскершилери мен Оны маскарап кутылғаннан соң, көркли, ярасык кийим кийгистип, Пилатка кайтарыш йиберди. ¹² Сол күн Ирод пан Пилат дос болдылар. Оннан алдын олар явласкан эдилер.

Оълтирилмеге талапланган Иса

¹³ Пилат, болса, бас дин куллыкшыларды, басшыларды эм халкты йыйыш, ¹⁴ оларга айтты: «Сиз бу Кисиди: „Халкты азырады“, – деп, айыплап ақелдинъиз. Ама мен оны сизинъ алдынъызда тешкердим, сиз Ога айткан терисликлердинъ бириң де таппадым. ¹⁵ Ирод та таппаган, неге десе Ирод Оны бизге кери йиберди. Мине Ога оълим язасын бергендей эш бир зат та этпеген. ¹⁶⁻¹⁷ Сонынъ ушин мен, оны төбелетип, эркин этейим*», – деди.

¹⁸ Ама бұтын халк: «Ога оълим! А бизге Бараббады эркин эт!» – деп, кышкырып баслады. ¹⁹ Барабба деген айдем шахарда козгалув яратканы эм айдем оълтиргени ушин тутнакка түскен эди.

* Бир талай текстлерде сосы соызлер косылган: «Пилатка айр Пасха байрамында тутнактан биревди босатпага керек эди».

²⁰ Исады эркин этпеге сүйип, Пилат тагы да давысын көтерди.

²¹ Ама олар: «Оны кашка кер, кашка кер!» – деп кышкырык-ладылар.

²² Пилат ушинши кере оларга: «Ол не яманлық эткенди? Оылтиргеме тийисли бир терислик те таппаганман, сол себепли мен, Оны төбөлетип, эркин этейим», – деди.

²³ Аман да Олар тагы да кышкырыклап, Исадынъ кашка кे-рилүүвин талапладылар; олардынъ эм бас дин куллыкшылар-дынъ давыслары баырин де енъди. ²⁴ Эм Пилат олар тилегенин этейим деген ойга келди. ²⁵ Козгалув яраткан эм айдем оылтирген ушин тутнакка түскенди, олар тилегенше, босатты; Исады, болса, олардынъ ыхтыярына тапшырды.

Исады кашка кередилер

²⁶ Айкершилер Исады алыш барган заманларында, сабаннан келеяткан Шимон атлы бир киринейшиди токтатып, ога кашты көтертип, Исадынъ артыннан айкеттирдилер. ²⁷ Исадынъ артыннан бек койп халк та, Онынъ ушин көкирегин согып йылайта-ган хатынлар да бара эдилер. ²⁸ Иса, болса, оларга бурылып: «Эй, Ерусалим кызлары! Мен ушин йыламанызыз, тек озынъиз бен балаларынызыз ушин йыланызыз», – деди. ²⁹ «Неге десенъиз: „Насиплидилер каратонлар, бала таппаган карынлар эм эмгист-пеген төслер“, – деп айттар күнлөр келедилер. ³⁰ Сол заманда тавларга: „Бизим устимизге авынъиз!“, а төбешиклерге: „Бизди капланызыз!“ – деп айтып басляяклар. ³¹ Эгер ясылланатаган терек пен солай этиле болса, сонда курганы ман не болар?»

³² Иса ман бирге оылтиргеме эки кынатшыды алыш бара эдилер.

³³ Бас Сүйек атлы ерге келгенлеринде, онда Исады да, кынат-шылардынъ бирисин де Онынъ онъ ягына, а экиншисин сол ягына кашка кердилер. ³⁴ Иса, болса, айтты: «Эй, Ата! Сосыларды ярлыка, неге десе не ислетаганларын да билмейдилер». Айкер-шилер Исадынъ кийимлерин, сыбага таслап, улесе эдилер.

³⁵ Халк токтап карай эди. Басшылар да, селеке этип, күлип: «Баскаларды куткаратаған эди: эгер Алла сайлаган Масих Ол болса, Озын-Ози куткарсын!» – деп айттылар.

³⁶ Солардай болыш, айкершилер де мысқылладылар. Олар Исага ашишы шагырдан берип: ³⁷ «Сен Жүйт Патшасы болсанъ,

Оъзинъди-Оъзинъ куткар!», – дей эдилер. ³⁸ Исадынъ уьстинде*: «Бу – Жуйт Патшасы», – деген язув бар эди.

³⁹ Кашка керилген кыянатшылардынъ бириси де Ога ашув тилленип: «Сен Масих болсанъ, Оъзинъди де, бизди де куткар!» – деп айта эди.

⁴⁰ Экиншиси, болса: «Сен де сондай болып язаланып турганий, Алладан коркайсынъма?» – деп, оны тыймага шалысты.

⁴¹ «Бизге түз язалав кесилген. Биз эткен ислеримизге тийислисин алганмыз. Ол, болса, эш бир яманлық та этпеген».

⁴² Ол Исага: «Сен Патша болып кери келген заманда, мени эсинье тусир!» – деди.

⁴³ Иса да ога: «Дурысын айтаман сага: буьгуын ок сен Мени мен бирге еннетте болаяксынъ», – деди.

Исадынъ оълувви

⁴⁴ Күндиздинъ алтыншы саятине ювыклаган эди, тогызыншы** саяатке дейим буьтин кыралда каранъы*** болып калды. ⁴⁵ Эм Алладынъ уйиндеги перде ортасыннан йыртылды. ⁴⁶ Иса, давазын көтерип: «Ата! Мен сенинъ колынъа янимды тапшыраман!» – деди. Эм соны айтканнан сонъ, ян берди.

⁴⁷ Бу болган затларды көрген юзбасшы Аллады данъклады эм: «Акыйкаттай да, бу Киси туврашыл болган экен», – деди. ⁴⁸ Бу тамашады карамага йыйылган буьтин халк, болган затларды көрген сонъ, көкиреклерине сога-сога кайтты. ⁴⁹ Тек Исады танытаганлардынъ баъриси де, эм Галилеядан Онынъ ызыннан келген хатынлар да, баъри затка эректен карап турдылар.

Исады кабырга салув

⁵⁰ Сол заманда Уллы Кенъестинъ агзаларыннан, Юдеядынъ Араматия каласыннан Юсуп атлы оғырлы эм айдил бирев,

⁵¹ калганлардынъ бегиминде эм ислеринде катнаспаган, Алладынъ

* Исадынъ уьстинде: бир кесек текстлерде «Исадынъ уьстинде грек, латын эм де жуйт соъзлер мен».

** Алтыншы саяат: саяат 12.00, тогызыншы саяат: саяат 15.00.

*** Эм: бир талай текстлерде «Күн каранъаланды эм».

Патшалыгын саклаган бир киси, ⁵² Пилаттынъ янына келип, Исадынъ сүегин тиледи.

⁵³ Ол сүйкети түсирип алыш, кетен кумашка орады эм айли бирев де салынмаган, каяда уынъгилип этилген мезарга салды.

⁵⁴ Ол күн юма күн эди, шабат күни етип келе эди.

⁵⁵ Кене болса да Иса ман бирге Галилеядан келген хатынлар артларыннан барып, мезарды карап, Онынъ сүеги онда койылганын көрдилер. ⁵⁶ Кайтып келип, ийисли-кокыслы майлар эм бальзамлар азизирледилер де шабат күнин Алладынъ буйрыгына көре тыншаювда озгардылар.

Исадынъ тирилууви

24 ¹ Юмадынъ биринши ок күнинде*, таң манында, хатынлар** азизирлеген ийисли майларды алыш, мезарга келдилер.

² Ама тастынъ кабырдан авдарылып тасланганын көрдилер. ³ Эм мезарга киргенде, Раббий Исадынъ сүегин таппадылар. ⁴ Олар бу затка сейирсинип турган вакытта, олардынъ алдына йылтыраган кийимлери мен бирден эки эр киси шыктылар. ⁵ Хатынлар коркып, юзлерин тоьмен ийгенде, эр кисилер: «Сиз неге тириди оълилер арасыннан излейсиз? ⁶ Ол мунда йок, Ол тирилген! Галилеяда болган заманда Онынъ сизге айткан сөзлөрин эснэйизге түсириньизтага: ⁷ „Айдем Баласы күналилер колына тапшырылмага, кашка керилмеге эм ушинши күнде тирилмеге керек“, – деген эди Ол сизге», – дедилер. ⁸ Эм олар Онынъ сөзлөрин эслерине түсиридилер.

⁹ Хатынлар мезардан кайтып, бу затлардынъ баърисин де Исадынъ он бир соктасына эм баъри калганларга билдирилдер.

¹⁰ Бу затлардынъ акында элшилерге айтканлардынъ ишинде Магдаллы Маръем, Йоханна эм Якуптынъ анасы Маръем эм солай ок олар ман бирге баскалар да бар эдилер. ¹¹ Ама олардынъ айтканлары элшилерге бос сөзлөр болыш көриндилер эм кыскаяклыларга ыйнанмадылар.

¹² Петер, болса, турып, кабырга шабып барды. Ол ийилип карады да онда тек кебинди көрди эм, болган затка сейирсинип, артына кайтты.

* Юмадынъ биринши күни: базар күн.

** Бир кесек текстлерде сосы сөзлөр косылган: «Олар ман бирге баска кайбирлер де бар эдилер».

Аммаус йолында

¹³ Сол ок күн олардың экиси Ерусалимнен алпыс стадия* эректеги Аммаус деп аталған элге йолландылар. ¹⁴ Эм бу болған затлардың акында оыз ара хабарласып бардылар. ¹⁵ Олар соыйтип бири-бири мен сойлесип эм ойласып барғанда, Иса Оъзи оларга янасып келип косылды. ¹⁶ Ама олардың көзлери тыйылған әдилер, сол себептен олар Оны танымадылар. ¹⁷ Иса, болса, оларга: «Сиз йолда бааятырып не зат акында хабарласасыз?» – деди.

Олар да кайғылы болып онда токтадылар. ¹⁸ Олардан бирев, Клеопа дегени, явапка: «Сен Ерусалимге яныы келгенлерден боларсынъ, сосы күнлөрде онда болғанды калай билмейсинъ?» – деди.

¹⁹ Иса оларга: «Не болғанды?» – деди.

Олар Ога: «Назаретши Исага не болғаны акында», – дедилер. «Ол Алладынъ эм баъри халктың алдында иси мен де, соьзи мен де күдиретли пайхамбар эди. ²⁰ Бас дин куллықшыларымыз баш басшыларымыз оны оълимге язалав ушин бердилер эм кашка кердилер. ²¹ А биз, Ол Исраилди куткарайк деп, умитленетаган эдик. Оннан сонъ да сол затлардың баъриси болғанына бұғын ушинши күн бааятыр. ²²⁻²³ Эм тагы да хатынларымыздың бир кавымлары бизди сейирсиндирилдер. Олар кабырга эртень мен барып, Оның сүбегин таппаганлар эм кайтканда, оларга мальеклер көрринип, Иса тирилген деп, билдиригендерин айттылар. ²⁴ Бизи мен бирге болғанлардан бир кавымлар мезарга барып, онда хатынлар айтканша болғанын көргенлер. Тек Исадынъ Оъзин көрмегенлер». ²⁵ Иса оларга: «Эй, калай ақылсыз экенсиз эм юреклеринъиз бен пайхамбарлардың айткан соъзлерине кеш ыйнанувшыларсыз! ²⁶ Аыше, Масихке соыйтип азап шегип, Оъз данъына етпеге керек туывилма эди?» – деди. ²⁷ Эм Ол Мусадан баслап, баъри Сыйлы Китапларда Оъзининъ устиннен баъри пайхамбарлардың айтканларын оларга аньлатты.

²⁸ Олар бааяк болып шыккан элге ювыклап келгенлеринде, Ол йолын бардыргандай этти. ²⁹ Ама олар: «Аксам ювыклайды, күн энди кавысып бааятыр, бизи мен кал», – деп, Оны токтаттылар. Иса элге кирип, олар ман калды.

* Алпыс стадия: 11 километр.

³⁰ Олар ман бирге сыпыра янына олтырганда, Ол ойтпекти алып шүкір этти де, сындырып, оларга узатты. ³¹ Сонда олардың көзлери ашылды, олар Исады таныдылар, тек Ол оларга көрінмей калды.

³² Эм олар бир-бирине: «Ол йолда бизи мен сойлесип бизге Сыйлы Китапларды анълаткан заманда, юрегимиз ишимизде сүйиништен янмадыма?» – деп сорадылар.

³³ Сол saatлей ок турып, Ерусалимге кери кайттылар эм он бир элшилерди, олар ман бирге болған баскаларды да йыйылып турғанларын таптылар. ³⁴ Олар: «Раббий ушини мен де тирилген эм Шимонга көринген», – деп, сойлесип туры эдилер. ³⁵ Эки айдем де оларга йолда не болғанын, Иса ойтпек сындырган заманда, олар Оны калай танығанларын айттылар.

Иса он бир соктасына көринеди

³⁶ Олар сол затлардың акында сойлесетаган заманда, Иса Оъзи олардың арасына кирип: «Тынышлық сизге!» – деди.

³⁷ Олар тартыныш эм сескенип, (Исадынъ) янын көрремиз деп ойладылар. ³⁸ Ама Иса оларга: «Неге адалап калдыңыз? Юреклеринъизге сондай ойлар не ушин киреби экенлер?» – деди.

³⁹ «Меним колларыма эм Меним аякларыма караңызтага. Бу – Мен Оъзим! Колларынъызды Мага тийдирип караңызтага, неге десе яннынъ, Менде көретаганынъыздай, эти де, сүеги де болмайды», – дегенди айтты.

⁴⁰ Соны айтып, Иса кол-аякларын оларга көрсетти. ⁴¹ Олар сүйингеннең, алье де ыйнанмай, сейирсиип турғанларында, Иса олардан: «Бу ерде сизде кайдай болса да бир азық барма?» – деп сорады. ⁴² Олар Ога бир кесек писирилген балық* узаттылар. ⁴³ Иса оны альш, олардың көзлери алдында ашады. ⁴⁴ Соңында оларга: «Мен сиз бен алье болған заманда, Мага багысланып Мусадынъ Тауратында, пайхамбарлар ман Забур китапларында язылғанлардың баъриси толтырылмага тийисли деп, мине мунынъ акында айткан здим».

⁴⁵ Сонда Сыйлы Язувларды анъласынлар деп, Иса олардың акылын ашты. ⁴⁶ «Мине сосы Язылғанларга көре, Масих азап

* Балық: бир кесек текстлерде «балық пан кавызлы бал».

шекпеге де, уьшинши күнинде оъликлерден тирилмеге де керек эди. ⁴⁷ Солай ок Ерусалимнен баслап, баъри халкларга тевбеге туьсув эм күналарының кеширилув хабары Оның аты ман билдирилмеге керек болган. ⁴⁸ Сиз, болсанъыз, бу ислердинъ шаатларысыз. ⁴⁹ Мен де Атамның бермеге айтканын сизге йибермен. Ама сиз йогардан күдиретти алганга дейим Ерусалим каласында калынъыз», – деди.

Исадынъ көкке алынувы

⁵⁰ Соны айтып, Иса оларды каладынъ тысына Бейтхинийге дери шыгарды да, колларын көтерип, оларга хайыр-дува этти. ⁵¹ Оларга хайыр-дува этетатаган шагында, олардан узаклай берип, көкке көтерилип баслады. ⁵² Олар Ога бас ийдилер эм уйкен суйиниш пен Ерусалимге кайттылар. ⁵³ Алладынъ уйинде дайым болып, Аллага шулькир этип турадылар.